

MWONGOZO

TARATIBU ZA IBADA NA NYIMBO

Shekinah Presbyterian Church Tanzania
S.L.P 32807 Dar e salaam
spctanzania@gmail.com
www.shekinahpct.com

Kitabu hiki kimeandaliwa kwa ajili ya kutumika katika ibada mbalimbali za makanisa ya Shekinah Presbyterian hapa Tanzania na kwa makanisa yoyote yatayopenda kutumia utaratibu huu na nyimbo hizi. Hivyo basi ni ruksa kwa mtu yeyote kunukuu na kutoa nakala kadha wa kadha kwa matumizi ya kanisani tu na wala si kwa kibiashara.

Mch. Daniel John Seni
Shekinah Presbyterian Church Tanzania
Dar es salaam, Tanzania

Yaliyomo

Dibaji	3
SURA YA KWANZA.....	5
KUHUSU IBADA NA VIONGOZI WAKE	5
Utangulizi:.....	5
Kuhusu Ibada ya Jumapili	6
Maandalizi ya Ibada	7
Mtiririko wa Ibada	7
Jukumu katika Ibada	7
Kiongozi wa Ibada	8
Kiongozi wa Nyimbo.....	8
Kiongozi wa Muziki.....	9
Wazee wa Kanisa	9
Mashemasi	9
Wainjilisti	9
SURA YA PILI	10
IBADA MAALUMU.....	10
Maombi ya Kila Siku Alfajiri (Morning Glory).....	10
Maombi ya Ijumaa	10
Siku ya Kwanza Kwa Kila Mwezi	11
Maombi ya Mtindo wa Ki-Daniel.....	11
Ibada ya Mwaka Mpya.....	11
Ibada ya Krismasi	12
Ibada ya Ubatizo.....	12
Ibada ya Kubariki Watoto	13
SURA YA TATU	14
TARATIBU ZA IBADA MBALIMBALI.....	14
1. IBADA YA JUMAPILI.....	14
2. IBADA YA MEZI YA BWANA	16
3. IBADA YA JUMATANO	17

4. IBADA YA WAMAMA	20
5. IBADA YA MAZISHI	21
6. IBADA YA NDOA.....	25
SURA YA NNE	32
NYIMBO ZA IBADA.....	32
Nyimbo kwa Kufuata Alfabeti.....	73

Dibaji

Tunamshukuru Mungu kwa kutupatia mwongozo huu ambao tunaamini kwamba utafaa kwa makanisa ya Shekinah Presbyterian na makanisa mengine yanayopenda kufuata utaratibu huu. Katiba ya kanisa kifungu cha IV.16 (a-b),¹⁸ inatoa uhuru wa kila kanisa kuandaa utaratibu ambao unaendana sawa na neno la Mungu, ninanukuu “ (16) Kanisa hili kulingana na mapokeo ya makanisa ya matengenezo linatoa uhuru wa:-

- a) Kutumia taratibu za ibada zinazokubaliana na Neno la Mungu na zinazofaa kwa ajili ya kuelimisha: na
- b) Kwa kuheshimu taratibu zilizofuatwa, kuzibadilisha kwa namna ambavyo zinaweza kufikia mahitaji ya waabudu.

“(18.)Mkutano mkuu wa wachungaji(General Assembly) wa kanisa hili utakuwa na uwezo wa kuandaa na kuruhusu taratibu za ibada kwa matumizi ya pamoja na kwa uongozi wa wachungaji wake kwa kuzingatia uhuru uliotolewa katika kifungu cha kumi na sita (16).”

Kwa kuzingatia uhuru huo, tumeandaa taratibu za ibada mbalimbali kwa ajili ya kuwasaidia viongozi wanaoteuliwa kuongoza ibada hizo. Marekebisho na maboresho yote yamelenga kuwafanya watu wawezi kumwabudu Mungu katika mazingira waliyomo, bila kufungwa na mapokeo, bali neno la Mungu likiwaongoza.

Ama kuhusu nyimbo ambazo zimeambatishwa kwenye kitabu hiki tunayo maelezo ya kutosha.

- a) Nyimbo hizi hazipo kwenye tenzi, wala Sifa bali ni zimetafriwa kutoka Korean-Hymnal book na The Presbyterian Hymnal book- na zilikuwa zikichaguliwa kwa ufasaha ili kuepuka kutoa nyimbo zinazofanana na matoleo mengine.
- b) Tafsiri imezingatia kanisa la Afrika na Tanzania kwa ujumla, hivyo maana ya maneno imekaa sawasawa
- c) Toleo hili ni la Kidijitali; kwa maana ya kwamba Kwa hiyo tatizo la kusema kwamba hakuna wapigaji wa kinanda au piano katika ibada limetatuliwa. Unachotakiwa kukifanya tu kupakua application ya Kindle, na baada ya hapo nunua kitabu hiki kwenye mtandao huohuo wa Amazon-Kindle Version; baada ya hatua hizi kitabu kitaonekana wazi kabisa.

d) Matatizo ya kimziki yametatuliwa kisawasawa kwa sababu nyimbo hizi zinapatikana pia katika mfumo wa “Kindle” (Amazon), kwa hiyo unaweza kupakua huko. Chini ya kila wimbo kuna kiunganishi (link), ukibofya hapo chini, utaweza kusikiliza muziki na unaweza kuimba bila kuwa na matatizo yoyote kwa kufuata muziki wake. Au unaweza kuwekewa miziki ya nyimbo hizi bure kabisa kwenye simu yako na ukaendelea kuimba kila unapohitaji kufanya hivyo.

Ama kuhusu baadhi ya ibada maalum, tumefanya uboreshaji wa ibada za makanisa ya Kipresbyterian kutoka sehemu mbalimbali duniani. Tunamshukuru mchungaji Keun Soo Kim wa kanisa la Hanwool Presbyterian Church kwa kutuongoza na kutupa ufafanuzi wa ibada ya kila mwanzoni mwa mwezi na ibada ya maombi ya Ki-Daniel.

Mch. Daniel John Seni
Shekinah Presybterian Church Tanzania
November 26, 2017

SURA YA KWANZA

KUHUSU IBADA NA VIONGOZI WAKE

Utangulizi:

Maelezo yafuatayo yanahusu ibada za Kikristo kwa ujumla, na hasa ibada ya Jumapili. Lengo la kuweka utangulizi huu katika kitabu hiki ni kuwasaidia wale wanaoongoza ibada kuwa na uelewa wa kile wanachokifanya. Inashauriwa kila kiongozi wa ibada angalau apate nafasi ya kusoma utaratibu huu kabla hajakabidhiwa kuongoza ibada.

Kuhusu ibada za Kikristo

Tunajua kuwa Mungu mmoja wa kweli ambaye ana Umungu na Uwezo juu ya vyote; ni mkarimu, anayetenda mema kwa wote; na hivyo anastahili kupendwa, kusifiwa, kuaminiwa na kutumikiwa kwa moyo wote, kwa roho na nguvu zote. Lakini njia inayokubalika ya kumwabudu Muumba wa kweli ni kupitia katika njia yake kuwa hawezi kuabudiwa kwa kufikirika au kutumia miundo ya ubinadamu, au kwa kurubuniwa na shetani au kwa njia yoyote isiyokuwa katika maandiko matakatifu.¹

Ibada ya kikristo lazima itolewe kwa Mungu Baba, Mwana na Roho Mtakatifu na kweli tu, siyo kwa malaika, watakatifu au kwa kiumbe kingine chochote na ni kwa njia ya Kristo Bwana wetu.

Chanzo cha ibada kiko katika Muumba kama zilivyo shughuli zote za Mungu katika watu wake. Hivyo ni Mungu tu atafutaye, anayesamehe na awezeshaye, vivyo hivyo ni Mungu akutanishaye watu katika utakatifu wake ili wamtumikie. Katika ibada Mungu huwajulisha watu wake katika Yesu Kristo, mguso katika maisha yao, Umungu katika nafsi zao na wajibu wa milele katika uumbaji ili wawe wamoja katika Kristo mpaka siku ya kurudi kwake.

Ibada ya kikristo basi ni mwitikio wa jumua ya wenye imani katika nguvu ya Mungu ya wokovu kupitia kwa mwanawe Yesu Kristo.

¹ A. Mhili, *Mwongozo wa Maisha na Utendaji Kazi Kanisani* (Morogoro: hakijapigwa chapa), 2009, uk.17

Katika ibada, injili ya Kristo kwa ukamilifu wa neema ya Mungu, udhaifu wa binadamu wanapoachwa bila msaada na uwezo wa Mungu wa kushinda nguvu za kuwafanya wanadamu viumbe wapya katika Yesu Kristo, vinapaswa kuwekwa wazi. Hivyo wokovu atoa Mungu kwa binadamu wake unaonyeshwa katika maandiko matakatifu, mahubiri na sakraenti. Kwa ujumla wake na kwa mmoja mmoja, wakristo wanapaswa kushukuru kwa matendo mema ya Mungu, na kuonyeshwa mapenzi kwa watu wote kwa kuwatolea misaada kwa shida mbalimbali na kushirikiana nao katika kutunza matendo ya Mungu.

Kuhusu Ibada ya Jumapili

Kama ilivyo sheria ya Mungu kuwa muda wa kutosha utengwe kwa ajili ya kumwabudu Mungu, hivyo katika neno lake, kwa amri yake ya milele inayounganisha watu wote katika vizazi vyote, amechagua siku moja katika Juma, ili Sabato iwe kwa ajili yake. Ambayo tangu mwanzo wa Dunia mpaka kurudi kwa Kristo, imekuwa ni siku ya mwisho mwa Juma na baada ya kurudi kwa Kristo itabadilishwa kuwa Siku ya Kwanza ya Juma na hii ni Jumapili, ambayo katika Maandiko inaitwa Siku ya Bwana, na inapaswa kuendelezwa mpaka mwisho wa dunia kama sabato ya kikristo, ikiashiria kurudi kwa Kristo.

Sabato hii inafanywa siku takatifu Kwa Mungu wakati watu wote baada ya kujitayarisha kiroho huwa sio tu wanaisheherekea kwa kupumzika bali pia kwa kuitukuza kwa ibada mbalimbali katika shughuli zao muhimu.

Inawezekana kwa wakristo kufanya ibada sehemu yoyote, kwani Mungu siyo tu yuko makanisani bali popote pale. Haina maana kuwa wakristo wanapofanya ibada zao makanisani basi sehemu nyingine zinakuwa siyo takatifu au sehemu ya ibada kuwa takatifu zaidi. Kwa kutumia sehemu yoyote iliopambwa na Mungu kwa ajili ya ibada watu tunaonyesha jinsi gani sehemu inayotumiwa ni takatifu kama sehemu za ibada zilzowekewa mikononi lazima ziheshimiwe na kutumika kwa heshima na jumuiya yake mpya katika Yerusalemu mpya.

Ni muhimu na pia ni jukumu la watu wa Mungu kushiriki katika ujumla na ushirika wa kumwabudu Mungu katika siku yake. Utawala wa parishisi wa mambo ya kiroho lazima uandae mazingira mazuri ili watu wasioweza kuitukuza siku ya Bwana waweze kupata nafasi ya kuabudu na kufanya ibada au uongozi katika ibada ya jumla kwa sababu ya umri, jinsia, rangi, kabila au ulemavu wa aina yoyote.

Maandalizi ya Ibada

Ibada ya Bwana inahitaji maandalizi kwa sala, utulivu mkubwa, mapitio ya neno la Mungu katika Biblia na mapuziko ili mwili na mawazo viwe katika hali kamilifu ya kuitukuza siku ya Bwana. Waumini wanaelekezwa kumuomba Mchungaji na kuomba baraka za Mungu katika ibada.

Kwa kuitikia wito wa Mungu, watu wanapaswa kujumuika kwa muda uliopangwa na kuungana kwa moyo mmoja katika sehemu zote za ibada. Uhusiano wa pekee na mawasiliano na Mungu huanza mara tu mtu aingiapo kanisani. Kwa kuwa wakristo waliojumuiika wanawakilisha familia moja ya Mungu, ni vyema wakristo wote na watoto, kuwa pamoja katika ibada.

Mtiririko wa Ibada

Kwa mtiririko sahihi wa ibada, kanisa linapaswa likumbuke kuwa watu inabidi wawe katika hali ya uhuru kama Yesu alivyowaweka na kuwa vitu vyote inabidi vifanywe kwa ustarabu na kwa mpangilio mzuri. Hivyo ibada ya jumla inapaswa kufuata utaratibu uliowekwa ambao vile vile lazima uruhusu mabadiliko ya hapa na pale ili kuboresha utaratibu mzima wa ibada. Izingatiwe kuwa uzembe katika ibada za jumuiia zinaweza kugeuka kosa mbele ya Mungu na zikawa kikwazo kwa watu. Kwa uhuru wowote utakaotumika na waumini ni muhimu kuzingatia taratibu za kanisa zinazowekwa.

Jukumu katika Ibada

Mamlaka za kiroho katika kanisa zinapaswa kuandaa mpangilio na kuweka vizuri sehemu mbalimbali za ibada. Hata hivyo Mchungaji na Wazee wa kanisa wanapaswa kuzingatia mwongozo wa ibada kama unavyoelekezwa na maandiko matakatifu katika kumbukumbu za kanisa la kipresbiteriani,

matakwa na mambo mengine mbalimbali kama yanavyojitokeza miongoni mwa waumini.

Kiongozi wa Ibada

Ingawa Mkristo yeyote anaweza kuongoza ibada, inapendekezwa kwamba ibada zote za SPCT ziendeshwe na mojawapo ya watu wafuatao; Mchungaji, Mzee, Shemasi, Mwinjilist, au Mkristo aliyeiva kwa kazi ya Mungu.

Mara unapokuwa umetangazwa kuwa kiongozi wa ibada, hakikisha mambo yafuatayo unayazingatia haraka iwezekanavyo;

- 1) Unapaswa kujua ni nani ambaye atahubiri siku hiyo, na baada ya kujua unapaswa kuwa na andiko la mahubiri ya siku hiyo.
 - 2) Unapaswa kujua ni nani atakayeongoza maombi siku hiyo
 - 3) Unapaswa kujua ni kwaya gani itakayoimba siku hiyo
 - 4) Unapaswa kujua ni nyimbo gani za tenzi zitakazoimbwa siku hiyo (Nyimbo hizo ziendane na mahubiri ya siku hiyo)
 - 5) Unapaswa kujua ni matangazo gani yatasomwa siku hiyo
 - 6) Unapaswa kujua ni wazee gani wa zamu kwa siku hiyo
 - 7) Unapaswa kujua ni akina nani watasafisha, na kuandaa mazingira (usafi wa ndani na mapambo ndani ya kanisa)
- Kumbuka: Habari hizi zote unaweza kuzipata kutoka kwa mchungaji kiongozi au mwinjilist anayewajibika kama mchungaji wa kanisa husika.

Kiongozi wa Nyimbo

Kiongozi wa nyimbo anaweza kuwa ni mwanakwaya, mwalimu wa kwaya au mtaalamu wa nyimbo. Inapendekezwa kama kanisa likiwa na uwezo kupata kiongozi maalumu ambaye atahusika na nyimbo peke yake. Kiongozi wa nyimbo katika ibada anapaswa kuzingatia mambo yafuatayo:

- 1) Anapaswa kupokea nyimbo zitakazoimbwa siku hiyo kutoka kwa mhubiri au kiongozi wa ibada.
- 2) Anapaswa kuhakikisha kwamba anafanya mazoezi kwa nyimbo husika. Kama kuna wimbo haujui, basi atapaswa kujifunza kwa siku hiyo na kujua zaidi
- 3) Anapaswa kuwasiliana na waimbaji wengine ili kuwajulisha ni nyimbo za aina gani zitakazoimbwa.

Kiongozi wa Muziki

Kutakuwepo na mtu mmoja anayehusika na muziki peke yake ndani ya kanisa. Kiongozi huyu atazingatia mambo yafuatayo:-

- 1) Anapaswa kuhakikisha kwamba mitambo yote inafanya kazi sawaswa kabla ya ibada
- 2) Anapaswa kuhakikisha kwamba nyimbo zote ambazo zitaimbwa siku ya ibada zimeshaandaliwa kwenye mfumo wa PPT kwa ajili ya kurushwa moja kwa moja kutoka mitamboni.

Wazee wa Kanisa

Wazee wakanisa huchaguliwa na baraza la Kanisa pamoja na Wachungaji. Watasaidiana mchungaji katika shughuli za ibada za kanisa; kujadiliana kuhusu muda wa ibada. Kama mzee wa kanisa la mtaa yeye ni mjumbe wa baraza la Kanisa, Mzee wa Kanisa anayo majukumu maalumu kama mtu mmoja, ambayo hujumuisha. (*rejea Mwongozo Wa Utendaji na Mch. Andrew Mhilu (moderator wa PCT tangu 2013. Uk. 29-31)*)

Mashemasi

Katiba ya PCT, Kifungu cha 26, kinasema “Kanisa hili linatambua ofisi ya shemasi ambayo itakuwa wazi kwa wanaume na wanawake.” Kwa kuzingatia katiba hiyo, mashemasi wote wataweza kufanya kazi ya kanisa kwa mjibu na taratibu za kanisa la PCT. Kuhusu ibada, mashemasi wote wataweza kuongoza ibada yoyote ile ndani ya PCT, hivyo wanahitaji kuwa tayari wakati wote kwa ajili ya kuwahudumia waumini wengine ndani ya kanisa na penginepo.

Wainjilisti

Katiba ya PCT kifungu cha 27, kinatambua ofisi ya mwinjilisti kama ifuatavyo, “Kanisa hili linatambua ofisi (kazi) ya mwinjilisti na wasaidizi ambayo itakuwa wazi kwa wanaume na wanawake.” Wainjilisti wote watapokea maelekezo ya kazi zao kutoka kwa mchungaji kiongozi wa kanisa husika.

SURA YA PILI

IBADA MAALUMU

Tunazo ibada maalum, katika hizo watu wote hujumuika katika ibada hizo. Taratibu za ibada zote maalumu zitakuwa kama ifuatavyo:-

1. Kuanza ibada kwa nyimbo za tenzi/sifa/sauti kuu
2. Kukiri imani ya mitume
3. Kusikiliza Neno la Mungu
4. Maombi na maombezi
5. Kufunga ibada kwa sala ya Bwana

Kumbuka: Ibada hizi zitatatumia muda dakika 30 peke yake, lakini watu wanaweza kuendelea kuomba kibinafsi kulingana na muda wao.

Zifuatazo ni ibada maalum:-

Maombi ya Kila Siku Alfajiri (Morning Glory)

Maombi ya kila Alfajiri kila siku kuanzia saa 11:30 hadi saa 12:00 (*ingawa muda unaweza kubadilika kulingana na mazingira ya eneo husika*)

Mgawanyiko wa ibada ya alfajiri

- i. Siku ya Jumatatu: itaongozwa na wamama
- ii. Siku ya Jumanne: itaongozwa na wababa
- iii. Siku ya Jumatano: itaongozwa na vijana
- iv. Siku ya Alhamisi: itakuwa ibada ya maombezi kwa wenye mahitaji maalumu (mchungaji ataongoza ibada hii)

Kumbuka: Ibada zote tajwa hapo juu, aidha mchungaji au mwinjilist watahusika katika kuhubiri neno la Mungu. Idara zilizopendekezwa hapo juu zitahusika na uandaaji mzima wa ibada pamoja na kupata viongozi wa ibada kutoka miongoni mwao.

Maombi ya Ijumaa

- i. Kutakuwa na ibada ya maombi ya Ijumaa itakayoanza saa 2:00 Usiku mpaka saa 3:00 kamili.

- ii. Viongozi wa ibada hii watapangwa kulingana na wiki itakayofuatia isipokuwa kama Siku ya Ijumaa Kuu mchungaji Kiongozi lazima ahusike katika ibada hiyo muhimu.

Siku ya Kwanza Kwa Kila Mwezi

Kumekuwepo na uhitaji wa kuanza mwezi mpya kwa kufanya ibada maalum.

- i. Ibada hii itaendeshwa sawa sawa na ibada ya Jumapili; katika ibada hii kutakuwa na sifa, kwaya, mahubiri, sadaka na shughuli zingine zote zinazohusu ibada kuu. Na baada ya ibada Wakristo wote watakuwa chai pamoja kama ishara ya upendo na ushirikiano. (**eleza namna ya kupata pesa za kula*)
- ii. Ibada hii itafanyika kila saa 11:30 asubuhi mpaka saa 12:10)
- iii. Wakristo wote wanakumbushwa kujiandaa kikamilifu kwa ajili ya kumshukuru Mungu kwa mwezi uliopita na kuanza mwenzi mwingine na Bwana.
- iv. Katika ibada hii tutakula chakula cha asubuhi kwa pamoja kama ishara ya kuumeza mkate wa neno na baadaye chakula cha kimwili kwa utukufu wa Mungu.

Maombi ya Mtindo wa Ki-Daniel

- i. Kutakuwepo na maombi ya mtindo wa Daniel kwa muda wa wiki tatu (siku 21) (Daniel 10:2
- ii. Yatafanyika mara mbili kwa mwaka kuanzia; mwezi wa tatu (3) na mwezi wa Saba (7).
- iii. Maombi haya hayatahusisha kufunga bali ni kuhudhuria kanisani na kuomba pamoja kwa muda wa dakika 30 kila siku.
- iv. Maombi haya yatafanyika Jioni kuanzia saa 12:30 mpaka saa 1:00.
- v. Katika maombi haya, maombezi binafsi yatakuwepo; kwamba kila mtu anaweza kupelekea mahitaji yake ya kuombewa.
- vi. Katika maombi haya, inashauriwa kuandaa sadaka kila siku (ingawa siyo lazima lakini muda wa kutoa sadaka utakuwepo)

Ibada ya Mwaka Mpya

- i. Kutakuwepo na ibada maalumu kila Januari 1. Ibada hii kama ilivyo ibada kuu lakini yenyewe itahusika na shukrani kwa ujumla.

- ii. Waumini wote watapata nafasi ya kumshukuru Mungu kwa maombi na sadaka. (Hakutakuwa na shukrani ya mtu mmoja mmoja mbele ya kanisa kwani huchukua muda na wakati mwingine kuleta mkanganyiko). Katika ibada hii pia kutakuwepo na sifa, kwaya, mahubiri, sadaka na mambo mengine yanayohusu ibada kuu.
- iii. Ibada hii itafanyika kuanzia saa 4:00 asubuhi mpaka saa 6:00 mchana

Ibada ya Krismasi

- i. Kutakuwepo na ibada ya Krismasi ambayo ni kukumbuka kuzaliwa kwa Bwana wetu Yesu Kristo kwa hapa duniani.
- ii. Hii itakuwa ni ibada peke yake ambayo itaambatana na kumshukuru Mungu kwa zawadi ya Bwana wetu Yesu Kristo.
- iii. Kama ilivyo desturi, ibada hii hufanyika tarehe 25 Desemba kwa kila mwaka.

Ibada ya Ubatizo

Ubatizo ni kitendo cha kanisa nzima na ishara ya kuingizwa kanisani, hivyo inabidi ufanyike mbele ya waumini wote kwa kuwa sakramenti hii haiwezi kutenganishwa na Neno la Mungu, huwa inafanyika katika ibada baada ya neno kusomwa na kutoa ahadi na mafao yatolewayo na sakramenti. Kwa wote waliopo wakati sakramenti inatolewa inabidi wajikumbushe kuhusu kutegemea neema ya Bwana. Mungu atimize ahadi zake kwa watu wanao batizwa, ilikupokea na kutumia zawadi za kiroho na kuwa wamoja kwa kutambua umuhimu wa umoja katika kanisa.

Kazi ya kubatiza inapaswa kufanywa na mchungaji peke yake. Ubatizo ambao unapaswa kufanywa ni ule wa maji na wala si vinginevyo. Kanisa la PCT linaruhusu mifumo ifuatayo ya ubatizo; Ubatizo wa maji wa kumwagia, kunyunyuzia au kuzamisha katika jina la Baba, Mwana na Roho Mtakatifu. Mchungaji anaweza kuchagua mfumo wowote ule ambao atakubaliana na waumini, hii itakubalika tu kama bado haijaamuliwa vinginevyo. Ni muhimu kuzingatia mambo yafuatayo:-

- i. Ibada ya Ubatizo itafanyika siku yoyote kwa kutegemea na ratiba ya kanisa

- ii. Wanaobatizwa wataandaliwa vizuri kulingana na taratibu za kanisa
- iii. Wanaobatizwa ni lazima wahakikishwe mapema kabla hawajaenda kubatizwa.

Ibada ya Kubariki Watoto

Kutakuwepo na ibada ya kubariki watoto kila Jumapili ya mwisho wa mwezi. Ingawa tunapenda kuwakumbusha wazazi na walezi kuwa suala la kubariki watoto wao siyo suala la mara moja kwa mwezi, au kama wengine wanavyofanya mara moja kwa maisha yao! Suala la kubariki watoto ni la kila siku. Ni jukumu la kila mzazi kuomba kwa ajili ya mtoto wake na kumwomba baraka za Mungu ziambatane naye katika maisha yake.

Ibada hii itafanyika ndani ya kanisa kwa kuhusisha waumini wote; wazazi na watoto wao kwa pamoja.

Maelekezo: katika ibada hii wazazi/walezi watapita mbele pamoja na watoto wao kwa ajili ya kuwakabidhi mbele za Mungu. Mchungaji ataongoza ibada kwa ufupi na kuwaomba watoto.

Maandiko: Mojawapo ya maandiko haya yanaweza kutumika katika ibada ya kubariki watoto (Mathayo 18:2-6, 10; Mithali 22:6, 15; Kumb. 6:6-7, 11:19; Waefeso 6:1-4; Kutoka 20:5-6. Hata hivyo mchungaji anaweza kutumia mafungu mengine yanayoweza kuendana na mazingira ya ibada, hii itategemea yeye mwenyewe. Maandiko yaliyoambatishwa hapo juu ni kwa msaada tu.

SURA YA TATU

TARATIBU ZA IBADA MBALIMBALI

1. IBADA YA JUMAPILI

(Inapendekezwa kwamba ibada ya Jumapili ifanyike kwa muda wa saa moja na nus utu, isizidi hapo, hivyo basi kanisa waamue ni muda upi ibada hiyo ianze)

Mtiririko wa Ibada ni kama ifuatavyo:-

Kiongozi: Huu ni wakati wa kusifu na kuabudu kwa pamoja (inapendekezwa muda wa kusifu pamoja ndani ya ibada usizidi dakika 10, wimbo wa kumalizia uwe wa kuabudu ambao utaandaa mioyo ya watu kwa ajili ya kusikiliza neno la Mungu)

Kiongozi: basi ndugu zangu baada ya kusifu na kuabudu, tutulie mbele za Mungu muda huu, Biblia inasema “Bwana yupo ndani ya hekalu lake takatifu; dunia yote na inyamaze kimya mbele zake” (Habakuki 2:20)

Kiongozi: tuombe sala ya toba katika hali ya kimya mbele za Bwana.

Washirika: *(kila mmoja ataomba kimoyo moyo)*

Kiongozi: Ndugu zangu karibuni katika ibada ya leo ili tumwabudu Mungu kwa kicho na unyenyekevu mbele zake. Tuanze ibada yetu kwa jina la Baba, na la Mwana, na la Roho Mtakatifu

Washirika: Amen

Kiongozi: *(Soma Zaburi yoyote ile)* Tuombe. *(Kiongozi peke yake ataomba)*

Kiongozi: tuimbe wimbo namba_____*(katika hali ya kusimama)*

Kiongozi: Wapendwa katika Bwana nawasihi wote tukiri imani ya mitume inayotuunganisha na Wakristo wengine ulimwenguni.

“Namwamini Mungu Baba Mwenyezi, Muumba wa Mbingu na Nchi, Na Yesu Kristo Mwana Wake Pekee, Bwana Wetu, aliyechukuliwa mimba kwa Uwezo wa Roho Mtakatifu, Akazaliwa na Bikra Mariamu,

Akateswa zamani za Pontio Pilato, Akasulubiwa, Akafa, Akazikwa, Akashuka mahali pa wafu, siku ya tatu Akafufuka, Akapaa mbinguni, Ameketi mkono wa Kuume wa Mungu Baba Mwenyezi, Kutoka huko atakuja kuwahukumu walio hali na wafu. Namwamini Roho Mtakatifu, Kanisa Takatifu lililo moja, Ushirika wa Watakatifu, Ondoleo la dhambi, kiyama ya mwili na uzima wa milele.”Ameni

Kiongozi: Tukae, na tuimbe wimbo namba.....

Kiongozi: Naomba mtu aliyeandaliwa kwa ajili ya maombi aombe. *(kiongozi huyu aandaliwe mapema kabla ya ibada, mtu asisomwe kuomba kwenye ibada kama hakuandaliwa mapema kwa sababu huwezi kujua kama yuko tayari au la. Kiongozi wa ibada hakikisha unajua ni nani anayeenda kuomba kabla ya kuanza ibada)*

Kiongozi: Huu ni wakati wa kusoma neno la Mungu linalopatikana katika kitabu cha_____

Kiongozi: Huu ni muda wa kumsifu Mungu kupitia kwaya! Karibuni wanakwaya. *(Kwaya ziandaliwe mapema, inashauriwa kwamba kusiwepo na mwimbaji ambaye hajaandaliwa kwa siku hiyo)*

Kiongozi: Huu ni wakati wa kusikiliza neno kutoka kwa Mhubiri *(mhubiri atahubiri kwa muda usiozidi dakika 45. kama ataona kwamba kuna uhitaji wa kuwaita watu kumpokea Yesu Kristo kuwa Bwana na Mwokozi wa maisha yao atawaita wakati huo huo. Kama asipofanya hivyo, kiongozi wa ibada lazima aite watu wenye shida mbalimbali kwa ajili ya kuombewa)*

Kiongozi: Ni wakati wa kusikiliza matangazo ya leo.

Kiongozi: Ni wakati wa kutoa sadaka

Kiongozi: Tusimame wote na tuimbe wimbo namba_____

Kiongozi: Ni wakati wa kupokea baraka za Mungu

“Neema ya Bwana Wetu Yesu Kristo, na Upendo wa Mungu Baba, na Ushirika wa Roho Mtakatifu, ukae nanyi nyote sasa na hata milele.” Amen

Kiongozi: *(Kama Mchungaji hayupo ni sala ya Bwana)*

“Baba yetu uliye mbinguni, Jina lako litukuzwe, ufalme wako uje, mapenzi yako yatimizwe, hapa duniani kama huko mbinguni, utupe leo riziki yetu, utusamehe makosa yetu, kama nasi tunavyowasamehe waliotukosea, usitutie majaribuni, bali utuokoe na yule mwovu, kwa kuwa ufalme ni wako, na nguvu, na utukufu na hata milele”-Ameni!

2. IBADA YA MEZI YA BWANA

(Kama ikiwezekana, ibada hii ifanyike kila mwezi angalau mara moja. Ni muhimu kuwaandaa Washiriki kujiandaa na meza ya Bwana kabla ya Juma moja)

Mchungaji: Tuanze ibada kwa jina la Mungu baba na Mwana na Roho Mtakatifu

Wote: Amen

Mchungaji: Tuimbe wimbo.....

Mchungaji: Tuombe (mchungaji ataomba maombi ya kufungua)

Mchungaji: Tusikilize neno la Mungu kutoka katika I kor 1:10 ‘kwa sababu neno la msalaba kwao wanaopotea ni upuuzi lakini kwetu sisi tunaookolewa ni nguvu ya Mungu’

Mchungaji: tunapoenda kushiriki tendo hili takatifu, tukumbuke maneno ya Mungu kupitia mtume Paulo katika I Wakorintho 11:28 ‘lakini mtu ajihoji mwenyewe na hivyo aule mkate na kukinywea kikombe’

Mchungaji: *(akiwa ameinua mkate)* Bwana Yesu usiku ule aliotolewa aliutwaa mkate, naye akiisha kushukuru akaumega akashukuru akasema ‘huu ndio mwili wangu ulio kwa ajili yenu, fanyeni hivi kwa ukumbusho wangu

Mchungaji *(awaelekeze watu kuchukua kila mtu mkate)* kama tumekwisha kupokea wote na tule sote!

Mchungaji: *(huku akiinua kikombe)* vivi hivi baada ya kula akakitwaa kikombe akasema 'kikombe hiki ni agano jipya katika damu yangu, fanyeni hivi kila mnywapo kwa ukumbusho wangu.

Mchungaji: *(hakikisha kila mmoja amekwisha kupata kikombe)* na tunywe sote.

Mchungaji: Kwa kuwa meza ya Bwana ni ibada kamili mbele za Bwana, tutoe sadaka ya Upendo kwa ajili ya tendo kuu la Yesu Kristo kujitoa kwa ajili ya dhambi zetu na kufa msalabani.

Mchungaji: Neno la Mungu katika Mathayo 26:30 Linasema 'nao walipokwisha kuimba, wakatoka nje kwenda mlima wa Mizeituni.

Mchungaji: tuimbe wimbo.....

Mungu awabariki sana kwa ibada njema!

3. IBADA YA JUMATANO

(ibada hii haina uthibiti wa muda ingawa inashauriwa kuandaliwa mapema. Ni muhimu waumini wote kushirikishwa kuomba pamoja badala kuombewa. Kiongozi wa ibada hii anapaswa kusoma maombezi mapema na kukusanya maombezi kutoka kwa waumini ili kuepusha usumbufu wakati wa ibada)

Kiongozi: Tuanze ibada yetu kwa Jina la Mungu Baba, na Mwana na Roho Mtakatifu-

Washiriki: ameni

Kiongozi: tuimbe wimbo wa tenzi namba..... katika hali ya kusimama.

Kiongozi: (baada ya wimbo ataomba maombi kwa kufungua ibada)

Kiongozi: Nawasihi tukiwa katika ya kusimama, tukiri Imani ya Mitume inayotuunganisha na Wakristo wengine ulimwenguni.

Washiriki: "Namwamini Mungu Baba Mwenyezi, Muumba wa Mbingu na nchi, Na Yesu Kristo Mwana wake pekee, Bwana wetu, aliyechukuliwa mimba kwa uwezo wa Roho Mtakatifu, akazaliwa na bikra Mariam, akateswa zamani za Pontio Pilato, akasulubiwa, akafa, akazikwa, akashuka mahali pa wafu, siku ya tatu akafufuka,

akapaa mbinguni, ameketi mkono wa kuume wa Mungu Baba mwenyezi, kutoka huko atakuja kuwahukumu walio hai na wafu. Namwamini Roho Mtakatifu, kanisa takatifu lililo moja, Ushirika wa Watakatifu, ondoleo la dhambi, Kiyama ya mwili na uzima wa milele-Ameni.”

Kiongozi: Sasa tukae na tuimbe wimbo wa tenzi namba.....na baada ya kuimba wimbo huu tutasima kumsifu Mungu.

Kiongozi: sasa ni wakati wa kusikiliza neno la Mungu kwa siku ya leo kutoka kwa mtumshi ambaye ameandaliwa kwa ajili ya neno.

Kiongozi: sasa ni wakati wa kutaja maombezi yetu kwa siku ya leo (kiongozi ataje maombezi yaliyo katika orodha ya kuombewa kwa wiki hiyo na kisha aruhusu watu wengine wataje maombezi mengine. Baada ya kutaja maombezi waombe kwa pamoja)

Kiongozi: tutoe sadaka mbele za Bwana (*pambio linaweza kuimbwa*)

Kiongozi: sasa tuimbe wimbo wa tenzi namba.... Na kisha mhubiri wa leo atafunga kwa maombi (*kama mchungaji yupo apewe muda wa kutoa baraka kwa kanisa*)

Maombezi ya siku ya Jumatano kwa kila Juma

Wiki La Kwanza

1. Kuombea kanisa la Mungu kwa Ujumla

- i. Wachungaji na viongozi wengine wa kanisa lote.
- ii. Wazee wa kanisa
- iii. mashemasi
- iv. Watenda kazi wengine (mfano watu wanaojitolea kufanya kazi ya Mungu)
- v. Wamisionari
- vi. Kanisa la PCT
- vii. Injili ienee
- viii. Mafundisho ya uongo na manabii wa uongo kwa kumwomba Mungu aepushe katika kanisa roho hiyo.
- ix. Wakristo wataje maombezi mengine wao na kwa pamoja wanaweza kuyaombe

Wiki La Pili

2. Kuombea nchi yetu kwa ujumla

- i. Rais na baraza la mawaziri
- ii. Wabunge na madiwani
- iii. Wenyeviti wa serikali za mitaa (taja jina la Mwenyekiti kwa mtaa kanisa lilipo)
- iv. Mabalozi wa nyumba kumi kumi
- v. Na Wakristo wataje maombezi mengine ambayo wanaona yanafaa kwa wakati huo yaweze kuombewa. Hii ni pamoja na mahitaji maalumu kwa ajili ya watu

Wiki La Tatu

3. Kuombea asasi za kijamii na za kiserikali zinazotoa huduma kwa jamii kwa ujumla

- i. Shule za msingi (shule zinazolizunguka eneo hilo zitajwe na kama kuna wananafunzi wanatoka eneo hilo waombewe siku hiyo)
- ii. Hospitali
- iii. Mahakama na magereza
- iv. Jeshi la polisi nk
- v. Na mengine ambayo wakristo watapenda kuyataja

Wiki La Nne

4. Kuombeana sisi kwa sisi kwa ujumla

- i. Vifungo vya dhambi
- ii. Magonjwa ya kila namna
- iii. Yatima na wajane
- iv. Watu wenye ulemavu maalumu katika maisha yao
- v. Kuomba ukombozi kwa ajili ya watu walio katika vifungo
- vi. Kuombea ndoa za watu washirika
- vii. Kuombea uchumi wa kila mshiriki katika maombi haya
- viii. Na mengine yatakayotajwa katika ibada hiyo

Muhimu: Mchungaji/kiongozi ni lazima atambue kwamba orodha ya maombezi haya imeandaliwa kwa ajili ya kukusaidia tu, lakini unaweza kuandaa orodha nyingine kulingana na uhitaji.

4. IBADA YA WAMAMA

(Ibada hii inaweza kuanza muda wowote ule kwa kutegemea na makubaliano ya wamama ndani ya kanisa. Ni muhimu Wamama wasisitizwe kuja kuomba kwa ajili ya kanisa na familia zao. Kanisa limeweka vipaumbele kwa wamama kwa kutenga siku maalumu kwa ajili ya maombi yao tu. Kumbuka, ibada hii isiongozwe na mwanamume yeyote. Kiongozi wa ibada hii anaweza kuwa; Mama Mchungaji, Mama Mwinjilist, Shemasi wa kike, Mwenyekiti wa akina mama, mkristo mwingine yeyote wa kike ambaye ana uwezo wa kuongoza ibada hii)

Kiongozi: Tuanze ibada yetu kwa Jina la Mungu Baba, na Mwana na Roho Mtakatifu-

Washiriki: ameni

Kiongozi: tuimbe wimbo wa tenzi namba..... katika hali ya kusimama.

Kiongozi: (baada ya wimbo ataomba maombi kwa kufungua ibada)

Kiongozi: Nawasihi tukiwa katika ya kusimama, tukiri Imani ya Mitume inayotuunganisha na Wakristo wengine ulimwenguni.

Washiriki: “Namwamini Mungu Baba Mwenyezi, Muumba wa Mbingu na nchi, Na Yesu Kristo Mwana wake pekee, Bwana wetu, aliyechukuliwa mimba kwa uwezo wa Roho Mtakatifu, akazaliwa na bikra Mariam, akateswa zamani za Pontio Pilato, akasulubiwa, akafa, akazikwa, akashuka mahali pa wafu, siku ya tatu akafufuka, akapaa mbinguni, ameketi mkono wa kuume wa Mungu Baba mwenyezi, kutoka huko atakuja kuwahukumu walio hai na wafu. Namwamini Roho Mtakatifu, kanisa takatifu lililo moja, Ushirika wa Watakatifu, ondoleo la dhambi, Kiyama ya mwili na uzima wa milele-Ameni.”

Kiongozi: Sasa tukae na tuimbe wimbo wa tenzi namba.....na baada ya kuimba wimbo huu tutasima kumsifu Mungu.

Kiongozi: sasa ni wakati wa kusikiliza neno la Mungu kwa siku ya leo kutoka kwa mtumshi ambaye ameandaliwa kwa ajili ya neno.

Kiongozi: sasa ni wakati wa kutaja maombezi yetu kwa siku ya leo (kiongozi ataje maombezi yaliyo katika orodha ya kuombewa kwa

wiki hiyo na kisha aruhusu watu wengine wataje maombezi mengine. Baada ya kutaja maombezi waombe kwa pamoja)

Kiongozi: tutoe sadaka mbele za Bwana (*pambio linaweza kuimbwa*)

Kiongozi: sasa tuimbe wimbo wa tenzi namba.... Na kisha mhubiri wa leo atafunga kwa maombi (kama mchungaji yupo apewe muda wa kutoa baraka kwa kanisa)

Maombezi

Maombi kwa ajili ya ibada hii itategemea katika mwezi huo wakina mama watakuwa na mambo gani ya kuombea. Hata hivyo kiongozi wa ibada hiyo ni lazima ajue ni mambo yapi ya kuombea hata kabla hajaa za kuongoza ibada hiyo.

Maelezo: kiongozi awaonye wakina mama wasitoe siri nje kwa ajili ya yale wanayoyaombea kwani kuna wakina mama wengine wanakuwa na matatizo katika ndoa zao hivyo unapotangaza ni kama kumdhalilisha mwanamke mwenzio ambaye unafanana naye.

Kiongozi: Sasa tunafikia hitimisho la ibada ya leo. Tuimbe wimbo namba..... na kisha tutaomba kwa pamoja sala ya Bwana

Wote: “Baba yetu uliye mbinguni, Jina lako litukuzwe, ufalme wako uje, mapenzi yako yatimizwe, hapa duniani kama huko mbinguni, utupe leo riziki yetu, utusamehe makosa yetu, kama nasi tunavyowasamehe waliotukosea, usitutie majaribuni, bali utuokoe na yule mwovu, kwa kuwa ufalme ni wako, na nguvu, na utukufu na hata milele-Ameni!

5. IBADA YA MAZISHI

(Kila kunapotokea msiba kwa mkristo, Mchungaji au kiongozi yeyote anawajibika kufika kwa ajili ya faraja. Inapendekezwa kwamba ibada ya mazishi isifanyike Jumapili labda kama imelazimu sana. Ibada hii inaweza kufanywa katika sehemu tatu; nyumbani, kanisani na makaburini. Hivyo basi kiongozi wa ibada hii awasiliane kwa makini na wahusika wa msiba huo ili kuandaa shughuli ya mazishi. Kumbuka kwamba mazishi ni suala la

utamaduni, hivyo kama kiongozi jaribu kuwasiliana kuweza kubaini tamaduni hizo.)

Kiongozi: Tuanze ibada yetu kwa jina la Mungu Baba, na Mwana na Roho Mtakatifu

Wote: Amen

Kiongozi: Tuombe (kiongozi wa ibada aombe)

Kiongozi: sasa tusikilize ujumbe wa faraja kutoka kwa waimbaji

Kiongozi: sasa hivi tusikilize maelezo mafupi kuhusu marehemu (ndugu aliyeandaliwa asome historia hiyo)

Kiongozi: wakati huu tusikilize neno la Mungu kutoka kwa.....
(Tafadhali mahubiri yasizidi dakika kumi)

Kiongozi: tuombe (kiongozi anaweza kuomba yeye au mtu mwingine aliyechaguliwa)

Kiongozi: sasa tuombe sala ya Bwana

“Baba yetu uliye mbinguni, Jina lako litukuzwe, ufalme wako uje, mapenzi yako yatimizwe, hapa duniani kama huko mbinguni, utupe leo riziki yetu, utusamehe makosa yetu, kama nasi tunavyowasamehe waliotukosea, usitutie majaribuni, bali utuokoe na yule mwovu, kwa kuwa ufalme ni wako, na nguvu, na utukufu na hata milele-Ameni!”

Kiongozi: Sasa tusikilize matangazo kutoka kwa mtu aliyeandaliwa. (*matangazo haya yanahusu pengine ni wapi wanaenda kuzika au kama wanasafirisha, lazima watu walioko hapo wajulishwe mapema*)

Kiongozi: Watu tutoe heshima zetu za mwisho kwa marehemu. (*kwa kuwa mazishi ni ibada kama zilivyo ibada zingine maalum, ni muhimu kiongozi wa ibada kuwaambia watu watoe sadaka ya kumshukuru Mungu, maana neno linasema “Shukuruni kwa kila jambo”*)

Ibada makaburini

(*Baada ya kushusha jeneza kaburini, watu wazunguke kaburini na kisha jeneza lishushwe kaburini taratibu*)

Kiongozi: kwa jina la Mungu Baba, na Mwana, na Roho Mtakatifu

Wote: Amen.

Kiongozi: tuimbe wimbo wa tenzi namba.....

Kiongozi: ndugu zangu wependwa sikilizeni neno la Mungu lisemavyo katika Maandiko Matakatifu

Warumi 14:8

“Kama tunaishi, tunaishi kwa Bwana, nasi pia tukifa twafa kwa Bwana. Kwa hiyo basi, kama tukiishi au kama tukifa, sisi ni mali ya Bwana.”

I Wakorinto 15:21-23

Kwa maana kama vile mauti ilivyokuja kwa njia ya mtu mmoja, vivyo hivyo, ufufuo wa wafu umekuja kwa njia ya mtu mmoja. 22Kwa maana kama vile katika Adamu watu wote wanakufa, vivyo hivyo katika Kristo wote watafanywa hai. Lakini kila mmoja kwa wakati wake: Kristo, tunda la kwanza la ufufuo, kisha, wale walio wake atakapokuja

Warumi 12:7

“nayo mavumbi huirudia nchi kama yalivyokuwa nayo roho humrudia Bwana aliyeitoa”

Ufunuo 14:13

“Kisha nikasikia sauti kutoka mbinguni ikisema, “Andika: Wamebarikiwa wale wafao katika Bwana tangu sasa.” naam asema Roho, wapate kupumzika baada ya taabu zao, kwa kuwa matendo yao yafuatana nao.

Zaburi 103:15-17

“Kuhusu mwanadamu, siku zake ni kama majani, anachanua kama ua la shambani, upepo huvuma juu yake nalo hutoweka, mahali pake hapalikumbuki tena. Lakini kutoka milele hata milele upendo wa BWANA uko kwa wale wamchao, haki yake kwa watoto wa watoto wao,”

Hosea 6:1

“Njoni tumrudie Bwana, maana yeye amerarua, na yeye atatuponya, yeye amepiga na yeye atatufunga jeraha zetu”

Ayubu 14:1,2,5

“Mwanadamu aliyezaliwa na mwanamke siku zake si nyingi, naye hujaa taabu. Yeye huchomoza kama vile ua, kisha hukatwa, hukimbia kama kivuli wala hakai kamwe kwa kuwa siku zake zimeamriwa, hesabu ya miezi yake unayo Wewe, nawe umemwekea mipaka yake asiyoweza kuipita”

Kiongozi: mahubiri (*mahubiri kutoka kwenye moja ya mistari hiyo. yasizidi dakika 5 tu*) (*kiongozi ashike udongo katika mkono wake wa kulia na aseme maneno haya*)

Kiongozi: Mungu amemwita ndugu yetu.....kwa hiyo tunauweka mwili wake kaburini ili airudie ile ardhi (*atupe udongo kaburini*) kwa maana u mavumbi, (*atupe udongo tena*) na mavumbini utarudi (*atupe udongo tena*). Lakini zaidi ya hayo ndugu yetu yu mikononi mwa Mungu, Bwana Yesu atakaporudi atamfufua siku ya mwisho, kwa sababu Paulo aliandika katika I Thesalonike 4:13-14, “lakini ndugu, hatutaki msijue habari zao walio lala mauti, msije mkahuzunika kama na wengine wasioamini. Maana ikiwa twaamini kwamba Yesu alikufa akafufuka, vivyo hivyo na hao waliolala katika Yesu Mungu atawaleta pamoja naye. Kwa kuwa twawaambie haya kwa Neno la Bwana, hakika hatutawatangulia wao waliokwisha kulala mauti Kwa sababu Bwana mwenyewe atashuka kutoka mbinguni pamoja na mwaliko na sauti ya malaika Mkuu, na parapanda ya Mungu, nao waliokufa katika Kristo watafufuliwa kwanza. kisha sisi tulio hai, tuliosalia tutanyakuliwa pamoja nao katika mawingu ili tumlaki Bwana hewani; na hivyo tutakuwa na Bwana milele, basi farijianeni kwa maneno hayo”

Kiongozi: Tumwombe Mungu

Kiongozi: Ni wakati wa kuweka udongo ndani ya kaburi (watu muhimu kama vile ndugu, marafiki, au majirani wa marehemu wanaweza kupangwa kwa utaratibu maalum)

Kiongozi: anzeni kufukia sasa (watu wafukie kaburi huku nyimbo za tenzi za rohoni zikiimbwa na wapendwa wengine. Nyimbo zifuatazo zinaweza kuimbwa hapo: Na. 9, 50, 58,101,102 na 103.)

Kiongozi: sasa ni wakati wa kuweka mashada ya maua ambayo ni ishara ya upendo (mashada yawe matano tu na la sita ataliweka kiongozi wa ibada ambalo ni shada la msalaba. Kama kuna watu wengine walio na mashada na kama wameandaliwa basi waruhusiwe kuyaweka kwa utaratibu mzuri)

Kiongozi: ni wakati wa shukrani. (kwa upande wa familia na kwa upande wa kanisa kwaa kuwashukuru ambao wameshiriki mazishi)

Kiongozi: Tuombe ili kuweza kuhitimsha ibada.

Kiongozi (kama kiongozi akiwa ni mchungaji atatoa baraka)

Kiongozi; huo ndio mwisho wa ibada hii. Kwa herini!

Tangazo Muhimu: Kwa kuwa sisi ni Wakristo, ibada yetu imeishia hapa, kanisa halihusiki na mambo ya mila na tamaduni zingine.

6. IBADA YA NDOA

(Ibada ya ndoa inaweza kufanywa siku yoyote ile kwa kutegemea wale wanaofunga ndoa kwa nafasi zao. Hata hivyo ikumbukwe kwamba suala la ndoa linajumuisha vipengele 3 muhimu sana navyo hutegemeana kila kimoja. suala la kikanisa, Suala la kiserikali, Suala la kitamaduni. Kwa hiyo mchungaji kabla hajaamua kufungisha ndoa hiyo lazima ahakikishe kwamba vipengele vyote vimetekelezwa kwa jinsi inavyopaswa. Mchungaji husimama akiwakilisha kanisa la Mungu na serikali pia.

Kiongozi: karibuni bwana arusi na rafiki yako muingie. (wataingia kwa kutumia mlango wa mchungaji na wakifika mbele wasikae bali waendeleo kusimama)

Kiongozi: tunaomba msafara wa bibi arusi waingie huku bibi arusi na matroni wake wakiingia pamoja nao! **Kiongozi:** bwana arusi

kutana na bibi arusi ili kuweza kutambua kama huyo ndiye uliyemchagua au ni mtu mwingine. (wakutane na akifika afunue shela kichwani ili kutambua kama ni yeye na baada ya hapo waende mbele)

Kiongozi: kwa kuwa sasa mmeshatambuana ninyi wenyewe, namkaribisha mchungaji ambaye anasimama kwa niaba ya msajili wa ndoa aweze kufunga ndoa hii.

Mchungaji: wapendwa, tumekusanyika hapa machoni pa Mungu na mbele za mkutano huu, ili tuwaunganishe..... nakatiaka ndoa takatifu; ambayo ndiyo iliyo hali ya heshima, iliyoamriwa na Mungu, ikimpa mfano wa kuungamana kwa Kristo na kanisa lake. Hali hiyo takatifu Kristo aliiheshimu kwa kuwako yeye mwenyewe katika harusi ya Kana ya Galilaya kama ilivyoandikw katika Yohana 2:1-11. Kwa sababu hii basi watu wasiingie bila kufikiri, wala kwa haraka ila waingie kwa heshima na kwa busara, na kwa shauri na kwa makini na kwa kumcha Mungu. Katika ndoa hii takatifu watu hawa wawili wanakuja kuunganishwa na kuwa mume na mke.

Basi, akiwapo mtu yeyote awezaye kuonyesha sababu wasiunganishwe kwa halali na aseme sasa. (tukia kidogo). Au kama hakuna na anyamaze milele.

Mchungaji: kwa kuwa hakuna sababu iliyotolewa kuzuia watu hawa wasifunge ndoa yao, sasa napenda kuuliza , ni nani amtoayeaolewe na.....?

Mchungaji: (atawaambia wale wanaoana) nawaonya na kuwataka ninyi wawili, kama mtakavyojibu siku ya kutisha ya hukumu, siri

za mioyo yote zitakapofunuliwa, baada ya kufikiria agano mnalotaka kulifanya mbele za Mungu na mbele za umati huu. Nawaulizeni ninyi sasa, je kuna mmojawapo kati yenu anajua wazi kabisa kwamba ana sababu zinazomzuia asifunge ndoa hii? Kumbukeni kwamba mnachoenda kukifanya mbele za Mungu ni kitendo kitakatifu, hivyo lazima kiingiwe katika hali ya ukweli na kicho mbele zake.

Maharusi: (watajibu watakavyoona bora lakini kwa kawaida huwa hakuna sababu) hatuna sababu ya kutuzuia kufunga ndoa

Mchungaji: kwa kuwa sasa hakuna sababu yoyote inayowazuia kufunga ndoa, sasa nawaomba mwangaliane kila mtu na mwenzake ili niweze kuwafungisha ndoa yenu sawasawa na maneno ya Mungu.

Maharusi: (*waangaliane*)

Mchungaji: Ni vizuri sasa kupata kibali kutoka kwa wazazi wa jamaa hawa kwa ajili ya kufunga ndoa (anza kwa kuita upande wa kike na baadaye kiumeni)

Mzazi: Mimi.....namtoa.....aolewe/amuonakubali kutoka moyoni mwangu. Mungu awasaidie.

Mchungaji: (atamwambia mwanaume kwa kutaja jina lake).utamtwaakuwa mke wako wa ndoa, muishi pamoja katika ndoa takatifu? Utampenda, utamfariji, utamheshimu, utamtunza, katika ugonjwa na katika afya na kuwaacha wengine wote na kushikamana naye maadamu wote mko hai?

Bwana harusi: ndiyo ninakubali

Mchungaji: (atamwambia mwanamke kwa kutaja jina lake).....utamtwaakuwa mume wako wa ndoa, muishi pamoja katika ndoa takatifu? Utampenda, utamfariji, utamheshimu, utamtunza, katika ugonjwa na katika afya na kuwaacha wengine wote na kushikamana naye maadamu wote mko hai?

Bibi harusi: ndiyo ninakubali

Mchungaji: (*wafanye maharusi waangaliane na washikane mikono kwa ajili ya viapo vyao. kisha kila mmoja atafuatisha maneno ya mchungaji*) Nawasihi mshikane mikono sasa.

Bwana harusi: Miminakutwaa wewe.....kuwa mke wangu wa ndoa tangu leo hivi na baadaye, katika mema na katika mabaya, katika utajiri na katika umaskini, katika ugonjwa na katika uzima, nikupende na kukutunza mpaka kufa, kwa amri takatifu ya Mungu; na kwa hiyo nakupa kiapo changu.

Watu wote: ameni!

Bibi harusi: Miminakutwaa wewe.....kuwa mume wangu wa ndoa tangu leo hivi na baadaye, katika mema na katika mabaya, katika utajiri na katika umaskini, katika ugonjwa na katika uzima, nikupende na kukutunza mpaka kufa, kwa amri takatifu ya Mungu; na kwa hiyo nakupa kiapo changu.

Mchungaji: Kwa kuwa ninyi nyote mmefanya maagano mbele za Mungu, je mna kitu gani kwa ajili ya kudhihirisha agano lenu?

Bwana & Bi harusi: (*watasaidiwa na wasaidizi wao kwa kutoa peke na kumpa mchungaji*). Tuna pete hizi hapa!

Mchungaji: Pete ya harusi ni ishara ya nje ionyeshayo ishara ya ndani na neema takatifu, inayoonesha umoja wote wa maharusi hawa. Pete haina mwanzo wala haina mwisho. Kwa hiyo upendo wenu usiwe na mwisho kama pete hizi.

Bwana harusi: (*atwae mkono wa kushoto wa bibi harusi kisha aseme*) Nakuvalisha pete hii kuwa ushahidi wa nadhiri yangu kwako, na kwa pete hii nimekuoa umekuwa mke wangu, kwa jina la Baba na la Mwana na la Roho Mtakatifu- Ameni

Bibi harusi: (*atwae mkono wa kushoto*) Ninakuvalisha pete hii kuwa ushahidi wa nadhiri yangu kwako, na kama ishara ya upendo wangu kwako usio na mwisho. Na kwa pete hii umenioa, umenioa, umekuwa mume wangu kwa jina la Baba, na la Mwana, na la Roho Mtakatifu-ameni

Mchungaji: (*maharusi wakiwa wameshikana mikono atamwambia bwana harusi*) kwa kadri.....na Wamekubaliana pamoja kuingia katika ndoa takatifu na kushuhudia mbele za Mungu na umati huu, na wakaahidi imani ya kila mmoja kwa mwenziwe, na kuitangaza kwa kushikana mikono na kwa kupeana pete, na sasa Mungu awalinde katika ndoa hii takatifu-ameni

Mchungaji (*atoe tamko*) kwa kuwa bwana.....na bibi..... wameunganishwa katika ndoa takatifu ya Kikristo kwa mamlaka niliyopewa na serikali kama msajili wa ndoa na kwa Mamlaka niliyopewa na dhehebu langu, kama mhudumu wa Injili, ninatangaza kwamba sasa hawa ni mume na mke kwa jina la Baba na la Mwana na la Roho Mtakatifu-Ameni! Hivyo basi kile alichokiunganisha Mungu mwanadamu asikitenganishe-ameni

Mchungaji: (*wapige magoti mbele*) Eee Mungu, Muumba na mhifadhi wa watu wote, tunaomba Baraka kwako kwa ndoa ya watumishi wako hawa! Wajaalie neema ya kuishi maisha matakatifu mbele zako na kwa kushika sheria zako. Wajaalie kupata watoto na kuwalea katika maisha yanayopendeza mbele zako. Waepushe na balaa na majanga katika maisha yao. Nyumba yao iwe sehemu ya furaha na amani.

Mchungaji: (*awaambie waumini wote*). Enyi wapendwa katika Bwana nawasihi kwamba waombeeni wapendwa hawa ili waishi maisha matakatifu yanayompendeza Mungu. Watieni moyo ili wafurahie maisha ya ndoa. Toeni ahadi yenu mbele za Bwana kwa kuiombe ndoa hii! Amen

Mchungaji: sasa ni wakati wa kusaini katika vyeti vyao kama ushahidi kwa ndoa hii. Wanakwaya wa.....waimbe wimbo mmoja huku wakisaini.

Mchungaji: huu ni wakati mzuri sasa tumtolee Mungu matoleo ya shukrani kwa ajili ya ndoa hii. Wanakwaya wa.....waimbe wimbo mmoja tena.

Mchungaji: sasa nawakabidi vyeti vya kiserikali kama ushahidi wenu kila mmoja cheti chake.

Mchungaji: sisi kama kanisa la.....tunawapa vyeti vya kanisa kwaa kutambua kwamba ndoa hii ni ndoa takatifu katika kanisa hili-ameni

Mchungaji :(mchungaji omba baraka kwa ajili ya watu) na sasa neema ya Bwana wetu Yesu Kristo, na Upendo wa Mungu baba, na ushirika Mtakatifu, ukae nanyi nyote sasa na hata milele-Ameni

Mchungaji: Kama kuna mtu ana matangazo kwa ajili ya utaratibu unaoendelea sasa ikiwa ni pamoja na namna ya kwenda ukumbini atangaze sasa. *(baada ya hapo ibada itakuwa imefikia mwisho taratibu za kikanisa zitakuwa zimeishia hapo).*

Muhimu: Kwa kadri inavyotakikana, ni muhimu ibada hii ifanyike ndani kanisa. Si lazima kwa mchungaji kwenda ukumbini kwa ajili ya sherehe.

SURA YA NNE

NYIMBO ZA IBADA

1. Roho yangu, Yafurahi

[Since Christ my soul sin set free [kr 438]

1. Roho yangu, yafurahi, kwako Yesu, niko huru,
Maisha haya, yamekuwa; ya furaha, niko kwako.

Haleluya, nafurahi!

Kwako Bwana, naimba tu!

Nakwabudu, nakwinua,

Wewe Bwana, 'takatifu.

1. Nili-o-na, dunia, haifai, bila Yesu,
Lakini ni-mekupata, Mwokozi wa-ngu milele
2. Vya dunia, vyakupita, nakwandama, wewe Yesu,
Sitazami yalopita, nasongea kwako Bwana.

2. Panda Asubuhi

Sowing in the morning [kr 496]

1. Panda asubuhi, panda mbegu njema,
Panda na mchana, panda jioni;
Subiri mavuno, wakati ufike,
Sikate tamaa, tutafurahi.

*Kwenye mavuno, kwenye mavuno;
Tutafurahia kuwa na Yesu,
Kwenye mavuno, kwenye mavuno;
Tutafurahia, kuwa na Yesu.*

2. Panda jua kali, panda kivulini,
S'ogope mawingu, wala baridi;
Wala usichoke, kazi kumaliza;
Sikate tamaa, tutafurahi.
3. Panda kwa huzuni, vuna kwa furaha
Bwana wetu Yesu, yu mbele yetu;
Tumalize kazi, atatupokea
Sikate tamaa, tutafurahi
Amen

3. Kuna Mwanga Moyoni Mwangu Leo

There's sunshine in my soul today [kr 428]

1. Kuna mwanga rohoni mwangu, unaong'aa sana
Utukufu kwa utukufu, Yesu ni mwanga wangu,

*Yesu mwanga duniani, huondoa giza popote,
Waaminio, waje wauone wasijikwae tena.*

2. Kuna mwanga rohoni mwangu, washinda myanga yote,
Huongoza njiani pote, naona mbele yangu.

3. Kuna mwanga rohoni mwangu, unaonesha njia;
Uletao matumaini, kwa walimwengu wote.

4. Kuna mwanga rohoni mwangu, ni mwanga wa
ushindi; Kwa furaha, ninatembea, kwa imani yangu.

4. Toka Kila Pepo

From every stormy wind that blows [kr 209]

1. Toka kila pepo dhoruba, Mawimbi ya dhiki na shida,
Kuna shwari, na uhakika chini ya kiti cha rehema.

2. Kuna mahali Yesu huvua, mafuta ya furaha kwetu.
Yazidiyo dhiki na shida Ni kwa damu ya rehema tu

3. Wakati mawimbi yavuma, ni wapi pa kukimbilia, Yesu
tumaini langu, hataniacha nidhikike.

4. Siku inakuja twangoja, tutakwenda mbinguni huko,
Tukakae na Bwana Yesu, Ukamilifu wa furaha.

Amen

5. Mwito kwangu na kwako

'Tis for you and me [kr 287]

1 Mwito kwangu na kwako, njoo kwa Yesu wokoke
Kwake kupumzika, pumziko milele,

*Cha muhimu kwamini, jina lake mwokozi
Uzima wa milele, kwake utapokea.*

2. Njoo kwa Yesu ujue, zawadi ya neema
Furaha utajazwa, wingi wa neema,

3. Njoo kwa Yesu kitini, kwa mavazi meupe,
Mbele yake kung'aa, roho yako nyeupe.

6. Nina Ndoto kwa Mwokozi

There is a dream that I dream [kr 490]

1. Nina ndoto kwa mwokozi wangu Yesu, siku moja
itatimia,

Asubuhi, jioni, ndoto ijapo, ahadi zake zatimia,

*Ndoto ya ajabu, siri ya neema, nawe nataka
uijue*

*Ndoto ya kumwona, Yesu Bwana wangu, uso
kwa uso itimie*

2. Kuna malipo kwa kazi ufanyayo, siku hiyo ajapo Yesu, Utakapomwona uso wake Bwana, utamwambia nini Yesu?

3. Inabidi kwa sasa nivumilie, ili nije kumwona Yesu, Nakushauri nawe uvumilie, tumwone Yesu kwa pamoja!

7. Tembea na Yesu

Tis so sweet with Jesus [kr 430]

1. Tembea na Yesu Bwana, siku zote daima
Tufuateni nyayo tena, popote tu salama

*Tembea, tembea, kumfuata Yesu
Sichoke, sirudi, safari maliza!*

2. Tuwapo watoto leo, Yesu atutazama,
Awalinda wamwona, songa mbele kwa neema

3. Safarini kona zipo, njia yote nyembamba,
Bado tumaini lipo, kwani atuongoza,

4. Enoki alitembea, hakuona mauti,
Mungu alimchukua, kampaisha mbinguni.

8. Matatizo Yanapoongezeka

When upon life's billows [kr 429]

1. Matatizo yanapoongezeka, unapoanza kuzama majini,
Chombo kinavyosukwasukwa sana, upepo mawimbi
vyakuzamisha.

*Shikilia humo chomboni, Yesu bado yumo chomboni,
a-ongoza, mpaka ufike, vumilia ukiwamo chomboni.*

2. Kwenye chombo hiki una mzigo, mpe mwenye chombo upumzike, Ushikilie vizuri chomboni, sitoke chomboni utapotea

3. Chombo chetu sisi ndilo kanisa, nahodha ni Yesu aongozaye. Nje ya kanisa utapotea, kanisa ni mwili wa Bwana Yesu.

4. Matatizo yanapongezeka, tukazane kumwomba Bwana Yesu, Masumbufu haya ni ya kitambo, uhuru kamili kwa Bwana Yesu.

9. Nani aliye Upande wa Bwana

Who is on the Lord's side [kr 459]

1. Ni nani aliye, upande wa Bwana, amtumikie kwa moyo wote, Wengine waletwe kwake mwokozi, watolewe utumwani dhambini.

*Ni nani aliye, upande wa Bwana?
Sisi hapa tuko, upande wa Bwana*

2. Vita siyo yetu ni yake Bwana, yeye anataka atutumie, Kushinda majeshi yale ya giza, na kuleta nuru kwa watu wote.

3. Wao ni adui hawana nguvu, wataka kuua hawataweza, Tushikamaneni tuunganeni, tunashinda upande wake Yesu.

10. Tumekaza Kuelekea Nchi ya Kaanani

We are bound for Canaan land [kr 347]

1. Twaelekea Kanaani, nchi ya raha,
Andaa moyo wako, twende pamoja.

*Kama vile Yoshua, alivyoshinda,
Kuitwaa ahadi, nia ya Mungu.*

2. Kuna miiba njiani, tukaze mwendo,
Mwambie na jirani, sote tuungane.
3. Tuwatafute wote, waliolala,
Dhambi za duniani, zimewateka.
4. Tukiwa jeshi moja, nia ni moja,
Kila mmoja afanye, anachoweza.

11. Katika Hatua zake

In his steps I follow kr 560]

1. Katika hatua za Bwana, mimi nitatembea naye,
Nitafuata njia zake tu, ili anifikishe.

*Furahia hatua zake, na uzifuate,
Kwa pamoja, tumfuate, tutafika wote tu.*

2. Katika hatua za Bwana, kuna amani tumaini,
Hapo ndipo Roho ya Bwana, inaponingjea.
3. Katika hatua za Bwana, njia zake zatamanika,
Na mjinga hatapotea, atafika salama.

4. Katika hatua za Bwana, tukaze mwendo wetu sasa,
Tutafika mbinguni kwake, tufurahi milele.

12. Hatuchoki Kamwe

[We are never, never weary]

1. Hatuchoki kamwe sisi kwimba,
Wetu wimbo wa milele, Utukufu kwa Mungu, haleluya!
Tutaimba sifa zake milele na roho zetu;
Utukufu kwa Mungu, haleluya!

*O Watoto wa Bwana, tuna haki kuimba
Kwa maana roho zetu, zafunikwa mbawani;
Kwa wingi wa neema, twaweza kwenda kwake,
Utukufu kwa Mungu, haleluya!*

2. Sisi tuliokuwa tumepotea, katutafuta;
Utukufu kwa Mungu, haleluya!
Kila wakati neema yake yote yathibitika:
Utukufu kwa Mungu, haleluya!
3. Mji wa mbinguni twauendea, waandaliwa;
Utukufu kwa Mungu, haleluya!
Bwana Yesu Kristo ndiye mfalme, wetu milele;
Utukufu kwa Mungu, haleluya!
4. Mbinguni tutaimba wimbo mpya, furaha yetu
Utukufu kwa Mungu, haleluya!
Tutamsifu mwokozi wetu milele, watakatifu;
Utukufu kwa Mungu, haleluya!

13. Tumejitoea kwenye kanisa

Is my name written there [Kr 483]

1. Jina langu je limo Bwana niambie,
Bwana nina hakika unajua yote,
Ulishanichagua nipate uzima,
Jina langu je limo, Bwana niambie

*Bwana niambie, jina langu limo,
Kitabuni mwa Mungu, Bwana niambie.*

2. Siku nikimaliza, kazi yangu hapa,
Najua wewe Bwana utanipokea,
Pale niwaonapo wapendwa wengi,
Furaha ni kukwona wewe Bwana Yesu.
3. Kwenye kitabu chako, wapo wateule,
Pia na mimi nipo, miongoni mwao,
Jina langu laandikwa, kwa herufi kubwa,
Kwa kuwa mimi Bwana, nakutumikia.

14. Siku ya kupumzika

O day of rest and gladness [kr 43]

1. Siku ya kupumzika, na furaha tele,
Siku tuliyongoja, leo yawadia,
Tuache kazi zote, tumwabudu Mungu
Tuache kazi zote, tumwadubu Mungu.
2. Leo siku ya neema, wote tupokee,
Chakula cha mbinguni, tutashiba wote,
Kwa kicho tumwabudu, Mungu wa mbinguni
Kwa kicho tumwabudu, Mungu wa mbinguni.

3. Leo siku ya ibada, twakwabudu Mungu
Mikono twainua, tunakuabudu
Pokea sifa zote, Mungu wa mbinguni
Pokea sifa zote Mungu wa mbinguni.
4. Mungu uliye Utatu, heshima kwako tu
Baba, Mwana na Roho, Utatu wako wako tu
Karibu utawale, ibada ya leo.
Karibu utawale, ibada ya leo.

15. Yesu Nifiche Kwako

Jesus hide me [kr 400]

1. Yesu unifiche kwako, wewe ni tumaini
Majaribu yanisonga, nguvu zaniishia

*Wewe Bwana wangu, ulishinda yote
Bwana nisaidie, nimechoka sana sana
Nipe uvumilivu*

2. Maadui pande zote, nao wanisumbua
Sina pa kukimbilia, naingia ngomeni
3. Dunia imenisonga, nimeona mashaka
Lakini najipa moyo, wewe hutachelewa
4. Rafiki wameniacha, umebaki wewe tu
Unifiche Bwana wangu, nisije angamia.

16. Kuna Neema Izidiyo

Marvelous grace of our loving father [kr 251]

1. Kuna neema izidiyo, neema ya Bwana Yesu,
Iliyotujilia sisi, tuokolewe dhambini.

*Neema, neema, iokoayo watu dhambini,
Neema, neema ifunikayo dhambi zote.*

2. Dhambi sasa haitaweza, kututawa-la sisi, Kwani neema izidiyo, hutusamehe dhambi zote.

3. Giza la duniani lote, halitaweza kushinda, Damu yake mwanakondoo, yatuongoza kwenye nuru.

4. Msamaha twaupokea, kutoka kwa Bwana Yesu, Twatazama pale Kalvari, tusamehewe dhambi zote.

17. Umeshindwa katika Mipango yako

Have you failed in your plan [kr 456]

1. Umeshindwa katika mipango yako, mkabidhi Bwana Yesu, Umechoka sana, kwa sababu hiyo, mkabidhi Bwana Yesu.

*Mkabidhi Bwana Yesu, Mkabidhi Bwana Yesu,
Umechoka sana kwa sababu hiyoo-Mkabidhi
Bwana Yesu.*

2. Safari yako hapa duniani? Mkabidhi Bwana Yesu, Dhoruba ni nyingi, shida hazikomi, mkabidhi Bwana Yesu.

3. Pale ulipoishia wewe leo, mkabidhi Bwana Yesu, Anajua yote unayopitia, mkabidhi Bwana Yesu.

4. Dunia ni chungu hutaweza wewe, mkabidhi Bwana Yesu, Anakwangalia anakusubiri, mkabidhi Bwana Yesu.

18. Njia ya Mbinguni

The bright, heav'nly way [kr 493]

1. Njia -ya -kwenda mbinguni, ipo- mbele yangu Nikita-zama namwona, Yesu ni mwokozi, Japo makwa-zo mengi, lakini namwangalia, Yeye aniokoaye atanifikisha salama.
2. Wakati nifikiripo, majoji yani-toka, Watesi-wazidi wengi, nakukimbilia, Yesu ninakuona, Yesu nakuhitaji, Sasa mimi niokoe, nifikishe kwako salama.
3. Nautamani mji, mji wa mbinguni, Yesu ameshaandaa, nitaishi milele, Yesu yuko karibu, anakuja mawinguni, Wote waliomwamini yeye, watakwenda naye salama.

19. Yesu Huja na Nguvu

Jesus comes with pow'r to gladden [kr 293]

1. Yesu huja na nguvu aangaze, upendo wake sasa uangeze, Mara tumwombapo -a- sikia maombi yetu, anakuja na nguvu atawale

*Mwite sasa, mwite sasa, sote tumwite Bwana
Yesu, aangaze,
Pendo lake, ling'aapo, mwite sasa Yesu aje
aangaze*

2. Moyo wako ufurahi pendoni, Yesu akupenda akukubali, Hata wengine waku-ache hatakuacha, Yeye yu daima nawe milele

3. Uwepo wa Yesu ni Pendo lake, pendo alilolitoa kwetu sote, Kwamba tuitwe wana, leo sisi ni wana, twashukuru Yesu kwa pendo lako

4. Yesu huja na nguvu uangaze, twanyenyekea mbele zako Bwana, Mioyo ipondekayo, wewe waipokea, karibu Yesu sasa utawale.

20. Pande zote

From Greenland's icy mountains [kr 507]

1. Kutoka pande zote, tuhubirini neno
Wengi hawamjui Bwana wetu Yesu
Wataokokaje wasiposikia,
Mimi na wewe leo ni wajibu wetu.
2. Bwana aliagiza, kwenda nyumba nyumba
Tuwambie wapata, wokovu wa bure,
Yesu aliyekufa, ili waokolewe,
Mimi na wewe leo, ni wajibu wetu.
3. Masikini matajiri watahitaji wahitaji njema,
Roho zao ziponywe na moto wa milele,
Yesu anawapenda, aliwafilia,
Mimi na wewe leo, ni wajibu wetu.

21. Siku Chache tu Zimebakia

Just few more days to be filled with praise.[kr 492]

1. Siku chache tu zimebakia, nijawe na utukufu wake,
Nikimwona, Bwana Yesu, ananiita Mimi.

*Nitaipokea ile taji, aliyoniandalia Bwana,
Nitaketishwa miguuni pake, milele na milele.*

2. Siku chache tu zimebakia, mateso na dhiki vikome,
Nitakapokuwa naye Yesu, mbinguni milele.
3. Siku chache tu zimebakia, tuiage dunia hii,
Kwani Yesu, yu njiani, kuwachukua wake.
4. Siku chache tu zimebakia, ndugu ukae tayari,
Usiachwe, siku hiyo, Bwana atokeapo.

22. Kuna Vita ya Rohoni

War of the soul [kr 356]

1. Kuna vita ya rohani_ambayo ina mwaliko,
Kutangaza jina la Yesu watu wote wamjue.

*Yesu mwenyewe ndiye, jemedari wa vita,
Tushike beramu yake, tutangaze pote.*

2. Wote mlio dhambini, njoni bado anawaita,
Kitini pa enzi pake, sote tutasimama.
3. Vita ni juu ya dhambi, ambayo Yesu kalipa
Roho yako iokoake, upate amani.
4. Yesu alimshinda shetani, ali-poanzisha vita
Yesu abakia mshindi, nasi pia tunashinda.

23. Je ni Lazima Yesu Abebe Msalaba

Must Jesus bear the cross alone [Kr 339]

1. Je ni lazima Yesu abebe msalaba wake?
Hapana, ni lazima kwa mtu abebe pamoja.
2. Nitabeba msalaba wangu, mpaka nimwone tu,
Kwenye makao, aliyosema ameshaandaa.
3. Nyumba za dhahabu na thamani, mahali pa
Raha, Hapo ndipo nitafurahia kuishi milele.
4. Hakuna msiba, makaburi, mateso na dhiki,
Tutaviacha vyote vya hapa kwenda kwake Yesu.
5. Msalaba huu ni wa thamani, nitaubeba tu
Mpaka mwisho wa maisha yangu, hapa duniani.

24. Jitahidi Sana Kujikasa

Take time to be holy [kr 420]

1. Jitahidi sana kujikasa, nena naye Bwana uamkapo, Pata marafiki, wasaidie, waongoze kwake bwana mwokozi
2. Jitahidi sana kujitakasa, ifike uombe hata mchana, Ili uongozwe, na Roho wake, daima uishi karibu naye.
3. Jitahidi sana kujitakasa, jioni uombe mbele za Bwana, Usiku ulale, nayo amani, na kesho ujue utashinda tu.
4. Jitahidi sana kujikasa, Yesu awe mbele vingine vyuma, Vijapo upinge, kwa jina lake, ushirika wako na utadumu.
Amen

25. Baba yetu uliye Mbinguni

Majestic sweetness sits enthroned [kr 27]

1. Baba yetu uliye mbinguni, jina lako litukuzwe,
Ufalme wako uje mapenzi yatimizwe,
Mapenzi yatimizwe.
2. Hapa duniani na iwe kama huko mbinguni,
Utusamehe dhambi zetu, nasi twawasamehe,
Nasi twawasamehe.
3. Usitutie majaribu, bali tuokoe,
Kwa kuwa ufalme wako, nguvu na utukufu,
Nguvu na utukufu.
5. Tusimamapo kukuabudu, poka sifa zote,
Twanyenyekea mbele zako, wastahili sifa,
Wastahili sifa.
6. Tunakiri kwako Utatu; Baba Mwana na Roho,
Twakuabudu peke yako, ni wewe Bwana wetu,
Ni wewe Bwana wetu.

26. Ahadi ya Mungu

Tis promise of God. [kr 267]

1. Ahadi ya Mungu ni kumpa uzima,
Aminiye katika jina la Yesu

*Haluleya, halleluya, mimi nimeshamwamini,
Bwana Yesu Kweli nimeokolewa,
Haluleya, halleluya, nawewe ukimwamini,
Bwana Yesu Kweli utaokolewa.*

2. Njia japo nyembamba lakini Yesu,
Anawapitisha wa upande wake.
3. Kuzunguka kwenye enzi yake Bwana
Malaika nao wanashangilia.
4. Kuna mitume pia na manabii,
Walotangulia mbele zake Bwana.
5. Tukijumuika tutaimba wimbo,
Mada ya wimbo itakuwa Yesu tu.

27. Maisha yangu, Pendo langu

My life, my love, i give to thee. [kr321]

1. Maisha yangu, pendo langu, ni kwako Mwanakondoo,
Ulijitoa uhai, kwa ajili yangu.

*Naishi kwako, Mwokozi, wewe ulinifilia
Nitajitoa maisha, nikutumikie*

2. Bwana Yesu ulikufa, ili nipate uzima
Najitoa mwili wangu, ukawe dhabihu.
3. Ulikufa kwa Kalvari, ili nikukaribie
Nitakase, unioshe, dhambi zangu zote.

28. Uokoe Wanaopotea

Rescue the perishing. [kr498]

1. Uokoe wanaopotea, ili wakujue wewe Bwana,
Hawaijui kweli ya Mungu, wasaidie watoke
Dhambini.

*Uwaokoe, wanaokufa,
Yesu uwahurumie wote*

2. Uwakumbuke na ndugu zetu, ambao bado hawajaokoka, Uwaingize pendoni mwako, siku moja tufurahi pamoja.

3. Kufa dhambini, ni kufa kweli, maana hawana tena tumaini, Baada ya kifo, yaja hukumu, Yesu wetu uwahurumie.

29. Mwokozi wa Ajabu Yesu Wangu

A wonderful Savior is Jesus my Lord [kr 391]

1. Mwokozi wa ajabu Yesu wangu, ni mwokozi wangu mimi, Aficha roho yangu ubavuni, mwambani naona raha.

*Ananificha ubavuni mwake, pendoni mwake milele,
Nina uhakika, kuwa mikononi, mwake Bwana
wangu Yesu,
Mwake Bwana wangu Yesu.*

2. Mwokozi wa ajabu Yesu wangu, anaondoa mizigo, Niliyokuwa nimebeba mimi, sasa nimekuwa huru.

3. Baraka zake kwangu nyingi sana, nanimeona ni ajabu, Naimba kwa imani, mbele zake nitamshukuru sana.

4. Siku hapa duniani, kuchukua walo wake
Nami ni pamoja na kundi zima, lilopata
okolewa.

30. Ni Nani Ametenda Haya

Who, you ask me, is Jesus. [kr 96]

1. Ni nani ametenda haya?, hakika ni Bwana Yesu, Magonjwa yote yanapona, tabu na dhiki huondoka, Njoo mpokee Yesu leo, upate uzima wa bure.
2. Japo mengi yanapita, lakini sisi hatuchoki, Yote ya hapa yanapita, twatarajia mbinguni, Uso kwa uso naye Yesu, itakuwaje siku hiyo?
3. Yesu ni kichwa cha kanisa, uhakika atalipeleka, Tuna hakika naye Bwana, kutufikisha salama, Tukaribie kwa enzini, utukufu usio na mwisho.
4. Wachoka sana kusubiri, Yesu anakutia nguvu, Ya duniani yamekuwa, vikwazo vingi, mashaka, Vumilia mpaka mwisho, tumwone Yesu kwa pamoja.

31. Kwa ushirika, na Mungu wetu

What a fellowship, what a joy divine [kr 405]

1. Kwa ushirika, na Mungu wetu, Yeye ataka tuungane, Tushiriki kwa pamoja naye katika huduma yake tu.

*Twende, naye, tuifanye kazi yake,
Anatwita, tuitikie mwito wake.*

2. Tutembe naye Bwana Yesu, tujifunze kwake pamoja, Tumjuapo, twaweza fanya, sawa na mapenzi ya Bwana,

3. Ni jambo jema, kukaa naye, kujua mapenzi ya Bwana, Kuomba pia kutafakari, tutajua anayopenda.

32. Msifuni

Praise him, praise him [kr31]

1. Msifuni, Bwana Yesu msifu, kwa sauti pote msifuni, Kwa upendo, yeye aliotuonesha, msifuni kwa nyimbo vinubi,

*Heshima na nguvu zote pia, anastahili kupokea sifa,
Tumsifu, tumsifu Bwana Yesu, Bwana Yesu pokea sifa.*

2. Msifuni, Bwana Yesu msifuni, kwa dhambi zetu yeye alikufa, Kafufuka tupate matumaini, kwa uzima usio na mwisho, Mtukuzeni, Yesu mfufuka, anastahili kupokea sifa, Tumsifu, tumsifu Bwana Yesu, Bwana Yesu pokea sifa.

3. Msifuni, Bwana Yesu msifuni, kwa sauti tuseme hosanna, Malaika wote wanashingilia, tuungane kumwabudu Yesu, Ni mfalme, tena nabii wetu, ni kuhani anatahili, Tumsifu, tumsifu Bwana Yesu, Bwana Yesu pokea sifa.

33. Pendo Lake

In one fraternal bond of love. [kr 220]

1. Pendo lake, Bwana Yesu, ni la ajabu kabisa, Kwamba sisi tuwe wana, alijitoa kabisa, Ili mimi-nisipotee, katika di-mbwi la dhambi, Kanitoa, nje sasa, nashukuru Bwana wangu.

2. Nasimama mbele zako, machozi yatiririka,
Moyo wangu wafurahi, kwa kuwa umeni-ona,
Nakusifu, Mungu wangu, Yesu wangu, wewe peke,
Uwe kwangu, nami kwako, nisitoke upendoni.
3. Bwana Yesu nakupenda, kwa kuwa
Ulinipenda
Ulijito-a maisha, ili mimi nio-koke,
Upendo huu, wa ajabu, hakuna wa kulingana,
Bwana Yesu, nakupenda, nakupenda, siku zote!

34. Pale Amani Inapotindika

When peace, like a river, attendeth my way [kr 413]

1. Pale amani inapotindika, huzuni nayo yazidi,
Najifunza kutulia kwa Bwana, ni heri ni heri kwa Bwana!

*Ni heri, ni heri kwa Bwana,
Ni heri, ni heri kwa Bwana*

2. Ingawa shetani anijaribu, ameleta masumbufu,
Najikaza kwako, wewe mshindi, ni heri ni heri kwa
Bwana.
3. Dhambi zangu zote ulizifia, nasamehewa na wewe,
Hatia ya dhambi, unaondoa, ni heri, ni heri kwa Bwana.
4. Fanya hima Bwana kwa siku hiyo, ili amani nipate,
Najiweka kwako, ili niseme, ni heri, ni heri kwa Bwana.

35. Yesu Atuita Mimi na Wewe

Softly and tenderly Jesus is calling [kr 528]

1. Yesu atuita mimi na wewe, tuitike mwito wake,
Atusubiri anatazamia, tuitike mwito wake.

*Uje, uje leo anakuita uje,
Weka mizigo yote kwake Bwana,
Anakuita uje.*

2. Kwa nini bado una masumbufu?, Yesu anasema njoo,
Ataka kusemezana na wewe, anakuita uje.

3. Muda ni huu haujachelewa, acha kusitasita,
Karibu Yesu anakungojea, nyumbani kwake uje.

4. Ni pendo kuu ameshaahidi, kwako na kwangu pia,
Ingawa twatenda dhambi kwa Bwana, kwa huruma
asema.

36. Nitaimba Wimbo wa Kukombolewa

I can sing now the song. [kr 257]

1. Nitaimba wimbo wa kukombolewa, kwa kuwa
nimekombolewa, Kwa damu yake Yesu msalabani, sasa
nimepata uhuru.

*Ni huru, ni huru,
Mwanakondoo Yesu huyo! (haleluya)
Sasa kaniweka mbali na hofu, sasa nimepata uhuru*

2. Nimesulubiwa pamoja na Yesu, Yesu aishi ndani
yangu,
Na uhai nilionao kwa sasa, naishi ndani yake Bwana.

3. Nina neema leo natembea nayo, imetoka kwa Bwana Yesu, Udhaifu wangu unakamilika, nikiwa ndani yake Bwana

4. Nitaimba tena kwa kukombolewa, damu yake Bwana yatosha, Nitamshukuru, nimwimbie Bwana, sasa nimepata uhuru.

37. Weka mizigo kwake Yesu

Go, carry thy burden to Jesus [Kr. 539]

1. Weka mizigo kwake Yesu, miguuni pake Bwana, Upate pumziko kwake, utue mizigo leo.

*Mimina moyo wako kwake, upate faraja kuu,
Pale uliposhindwa wewe, yeye anaweza yote.*

2. Rehema neema na pendo, vyote amekupatia, Mbona moyo wako wachoka, uweke mizigo yako.

3. Moyo wako wanyong'onyea, eleza kwa Bwana Yesu, Mnyenyekevu na mpole, utapokea faraja

4. Uzidi kuwa na naye, pendoni mwake ukae, Leo, kesho na siku zote, ukae karibu naye.

38. Mwokozi Kwangu Mimi

Savior more than life to me [kr 380]

1. Mwokozi kwangu mimi, ninakuona wa thamani
Kwani ulijitoa, ili nipate ku-okolewa.

*Kila siku, kila saa, nikuone Bwana wangu,
Pendo lako likae, pamoja nami siku zote.*

2. Ingawa ulimwengu, wabadilika hubadiliki,
Kukutumai wewe, ama ni salama kabisa.
3. Roho yangu na mwili, navikabidhi kwako Bwana,
Mikononi mwako tu, upo ulinzi wa kutosha.

39. Twaheshimu Mwito wake

Call'd of God, we honor the call [Kr 232]

1. Tumeitwa naye Bwana, twaheshimu mwito wake,
Tutaenda utakapo, kuhubiri neno lako, Ili watu wakujua,
wapate msahama, Nani aende kuwaambia?, nitaenda
mimi Bwana.
2. Bado wengi wa gizani, tuwapelekee nuru,
Vijijini na mijini, nishuhudie Injili,
Ili watu waokoke waondoke dhambini,
Nani aende kuwaambia?, nitaenda mimi Bwana.
3. Utukufu na heshima, kwa Yesu aokoaye,
Msalaba wa aibu, wakusanya wateule,
Nitautangaza msalaba wake Yesu Bwana wangu,
Nani aende kuwaambia?, nitaenda mimi Bwana.

40. Ninaye Mwokozi

I have a Savior He's Pleading in Glory [kr 290]

1. Ninaye Mwokozi ananitazama, katika utukufu wake mkuu, Rafiki wa kweli, mwalimu wa neno, kwake tutajifunza mengi sana.

*Karibu na wewe, uungane nasi,
Ukiri neno- lake leo.*

2. Yesu Mwanzo Mwisho Njia Uzima, kwake twapata uzima wa milele, Mfalme, Kuhani na Nabii mkuu, kwake tunahudumiwa sana.

3. Sasa tunaimba kwa sauti moja, kwamba Yesu ni Mwokozi wetu, Ametusamehe, ametutakasa, tu safi mioyo yetu kwake Bwana.

41. Ananiongoza Bwana

He leadeth me: O blessed thought [kr 390]

1. Ananiongoza Bwana, kwa faraja ya kimbingu,
Pote niendapo mimi, anishika mkono wake

*Ananiongoza, Mimi kwenye majani mabichi,
Nitakuwa mwaminifu, nishike imani kwa Bwana*

2. Yesu ni mlinzi wangu, bado ananiongoza,
Maana yeye anajua, kwani ni mkono mwake.

3. Bwana nikushike wewe, usikae mbali nami
Nisiponyoke mkononi, adui akanipata.

4. Kazi imalizikapo, nishindapo kwa neema
Nitakapovuka ng'ambo, nitaimba haleluya!

42. Ni Nani wa Kunitenga?

All the way my savior leads me [kr 384]

1. Ni nani wa kunitenga, na upendo wa Yesu?
Kwani ndiye alikufa, ili mimi nipone,
Niokoelewe dhambini, nikapate uzima,
Namwamini Bwana Yesu, Yeye hataniacha,
Mapito nipitiayo, Bwana anayajua.
2. Ni nani wa kunitenga, na upendo wa Yesu?
Njaa taabu dhiki nyingi, havitaweza kamwe,
Ni vya kitambo kidogo, mara vinatoweka,
Vidumupo sitamwacha, Bwana wangu Yesu tu,
Hakuna wa kunitenga, nalo pendo la Yesu.
3. Ni nani wa kunitenga, na upendo wa Yesu?
Kifo maudhi vyashindwa, maana namwegemea,
Ni zaidi ya mshindi, niwapo kwake Bwana,
Nitashinda siku zote, Yesu anishindia,
Ndani yake Bwana Yesu ninashinda hakika.

43. Mambo Matukufu Hayo

Glorious thing of thee are spoken [kr 210]

1. Mambo matukufu hayo, yanayonenwa leo,
Kwenye mji wa Sayuni, mji wa Mungu wetu,
Yeye yule neno lake, halitavunjwa kamwe,
Aliyelitegemeza neno lake ni mini.
2. Vijito vya maji safi, vyatoka mji ule,
Maji ya uzima tele, hatutaona kiu,
Chemichemi ya uzima, haikauki kamwe,
Njoni tumwe watu wote, anatukaribisha.
3. Roho na bibi arusi, wasema njoo haraka,
Naye anayesikia, apaze sauti njoo!
Mwenye kitu, ayatwae maji ya u-zima,
Yanapatikana kwake, ya bure anatupa.

44. Bado Wakati

Encamped along the hills of light [kr 357]

1. Bado wakati wa nuru, giza li karibu,
Tufanye kazi yake tu, kungali mchana,
Usiku wacha haraka, hatuwezi kamwe,
Tujitahidi kwa sasa, muda ndio huu.

*Wakristo wote, tufanye kazi,
Kazi yake Bwana ndani ya kanisa.*

2. Ni nini karama yako? bado huijui,
Sasa muulize Yesu, akufunulie,
Naye Roho Mtakatifu, atendaye kazi,
Atakuonesha sasa, yale uyafanye.

3. Tangu ulipookoka, umefanya nini?
Bwana anakuuliza, umjibu sasa,
Kama huna jibu kwake, fanya kazi sasa,
Si kazi ya wachache tu, ni kwa watu wote.

45. Furaha Inayotiririka

Joys are flowing like a river [kr 182]

1. Furaha inayotiririka kama maji meupe,
Kwa sababu ya Bwana mwenyewe, atupeleka kwake.

*Tuna amani mioyoni mwetu, kwa kuwa yeye
Bwana,
Anatupeleka kwake juu, tufurahi milele!*

2. Tuwapo kwenye dunia hii, yeye hututawala,
Atupatia afya njema, uzima na amani.
3. Kama mvua ya mbinguni leo, tunapokea
kwake,
Baraka tele, zatosha sana kutujazia ghala.
4. Yesu anatubariki leo, na kesho anataka,
Tuendeleo kumtegemea atatubarikia.
5. Wakosa leo, Kesho wapata, baraka zake
Bwana,
Atugawia kwa neema tu, tuwapo duniani.

46. Chini ya Mbawa zake

Under his wings I am safely abiding [kr 419]

1. Chini ya mba-wa zake ni salama, ingawa dhoruba nyingi sana, Bado namtumaini Bwana, kwake Yesu ni salama.

*Chini ya mbawa, ni salama, nani atanipokonya,
Chini ya mbawa nimehakikishwa, nitatulia salama.*

2. Chini ya mbawa zake ni amani, kimbilio kwa wenye huzuni, Wakati dunia itabikapo, kwake Yesu ni salama.

3. Chini ya mbawa zake ni furana, majaribu nayo yanapita, Ingawa yajaribu kutusonga, kwake Yesu ni salama.

47. Naweka Moyo kwa Bwana

The trusting heart to Jesus clings [kr 370]

1. Naweka moyo kwa Bwana, ili utulie,
Ya zamani yamepita, sasa yamekuwa mapya.

*Naimba njiani pote haleluya, haleluya,
Namsifu Bwana Yesu, kwa yale alotenda.*

2. Nikikumbuka ya nyuma, yaleta matata,
Mapya yanitia nguvu, naendelea kwake,

3. Yesu ananijulisha, yale ya mbinguni,
Ya Baba Mwana na Roho; utatu pamoja.

4. Ninapokikaribia, kiti cha neema,
Hapo ndipo ninatua, masumbufu yote.

48. Tuna Habari kwa Maitaifa

We've a story to tell to the nations. [kr 516]

1. Tuna habari kwa maitaifa, kuwaambia habari njema,
Zitakazogeuzi mioyo kwenye haki,

*Sikia, sasa, sikia, anakuita wewe,
Usikiapo habari hii, usifanye mgumu moyo,
Sikia anakuita.*

2. Tuna wimbo kwa mataifa, wimbo wa uhuru wa kweli,
Tuwaambie waache, dhambi zao waokokee.

3. Tuna ujumbe kwa mataifa, ujumbe wa faraja pekee,
Hapa duniani kuna dhiki, tumaini ni kwa Yesu

4. Tunalo Neno kwa mataifa, Neno la uzima kwao,
Ni mwaliko wake Yesu, kwa mataifa yote.

49. Yesu Ninalia

Jesus, My Lord, to Thee I cry [Kr. 214]

1. Yesu ninalia Mimi, mwenye dhambi mdhaifu,
Wewe ulikufa Bwana, nitwae nilivyo.

*Nitwae nilivyo, nitwae nilivyo,
Wokovu na msamaha nipokee kwako.*

2. Sina tegemeo tena, zaidi ya wewe Bwana,
Ulihuzunishwa Bwana, nipate furaha.
3. Matendo yangu machafu, uso nainama chini,,
Kwa sababu hiyo Bwana, uliteswa sana.
4. Aibu ulichukua, ili nistahili mimi,
Sasa nakutegemea, nitwae nilivyo.

50. Maelfu ya Sauti

Hark, ten thousand harps and voice [kr 19]

1. Maelfu ya sauti, yanakusifu Yesu,
Unatawala milele, Yesu mwana wa Pendo,
Umekaa kiitini, watalawa vyote sasa,
Haleluya, haleluya, haleluya Amen.
2. Umejaa utukufu, mfalme wetu milele,
Sifa zako na zivume, mbingu na duniani,
Wastahili wewe Bwana, kupokea sifa zote,
Haleluya, haleluya haleluya Amen.
3. Wewe Jiwe la pembeni, Alfa na Omega,
Mwana wa Mungu pekee, atokaye kwa Baba,
Mwombezi wa watu wote, ndiwe Kichwa cha Kanisa,
Haleluya, haleluya, haleluya
Amen.

51. Naishi Pale Maji Yatiririkapo

I ve cast my heavy burdens down [kr 246]

1. Naishi pale maji yatiririkapo, maji ya uzima toka ng'ambo, Ufukwe wa Kaanani maji yatokapo, maji yanayoponya roho.

*Naishi sasa, naishi sasa, pale maji
yatiririkapo,
Naishi sasa, naishi sasa, kwenye maji
yaponyayo roho.*

2. Hakuna tena kiu kwenye maji hayo, yawatakasa wale watumainio, Yanatiririkia mioyoni mwao, kweli hawana kiu tena.

3. Yesu ni maji ya uzima tele, kwa wale waliomwamini, Kiu ya duniani hawanayo tena, kwani waishi kwa imani.

52. Alipokuja Moyoni

There comes to my heart [kr 410]

1. Alipokuja moyoni, mwangu nilijawa furaha,
Nilimwona anifaa, kuishi pamoja nami.

*A-mani, amani izidiyo_ zawadi ya Bwana Yesu,
Yatia nguvu mioyo.*

2. Kwa msalaba wa Kristo, deni langu limelipwa,
Kwa kifo cha msalaba-nimekuwa huru.

3. Moyo wangu wafunikwa, na amani yake Yesu,
Msalaba wa aibu, umekuwa wa thamani.
4. Yesu ninamwegemea, na kumtegemea yeye,
Hakuna mwingine tena, wa kulingana naye.

53. Yesu Wanitosheleza

Living for Jesus, oh, what peace! [Kr 325]

1. Yesu wanitosheleza, maishani mwangu mwote,
Majaribu yanapita, wewe wanitia nguvu.

*Nitakusifa daima, maishani mwangu mwote,
Nitaishi mbele zako, sitaondoka njiani.*

2. Yesu wanitosheleza, nimepata pumziko,
Ni kwako tu ninaishi, nifanye mapenzi yako.
3. Yesu wanitosheleza, kila mahali naona,
Rafiki wakiniacha, wewe kamwe huniachi.
4. Yesu wanitosheleza, naona mabadiliko,
Nitashikilia kwako, sitoki kwako kabisa.

54. Yesu Nimeahidi Nikutumikie

O Jesus, I have promised [kr 447]

1. Yesu nimeahidi nikutumikie,
Shambani mwako Bwana mavuno ni mengi,

Niwapashe wengine hii habari njema,
Ili nao wajue, wakutumikie

2. Yesu nimeahidi, kuwa mtumishi,
Nataka niyafanye mapenzi yako tu,
Wewe ni peke yako, sinaye mwingine,
Wewe ni wa thamani maishani mwangu.
3. Yesu nimeahidi, kuambatana nawe,
Kwani nimesikia habari zako tu,
Neema zako nyingi, na rehema zako,
Leo nimeahidi kutorudi nyuma.
4. Yesu nimeahidi, kukufuata tu,
Kwani umeahidi kunipa uzima,
Nitakutumikia, siku zangu zote,
Ninaahidi mbele ya kanisa lako.

55. Ni Wakati wa Kutoa Sadaka

Sweet hour [kr 364]

1. Ni wakati wa kutoa Sadaka kwa Bwana Yesu, Sadaka itokayo ndani ya moyo wako sasa, Mtolee Bwana sasa, wala usije kusita,
Ni wajibu wetu sote, kumtolea Mwokozi.
2. Tuleteni zaka zote, ndani ya ghala ya Bwana, Ameahidi baraka kwa wanaomtolea, Usijaribu kuficha, moja ya kumi ya Bwana, Ameahidi kuondoa walao mashamba yako.

3. Malimbuko yatokayo, wapatikanao kwanza, Bwana anataka vyote, uvitoe vyake sasa, Kwa moyo uvimimine, kwa Bwana chomboni, Mwake, Upandapo kwa moyo utavuna kwa ukarimu.

4. Bwana nimeshatambua, nilicho nacho ni chako, Dunia na vyote vyako unavimiliki vyote, Hivi ninavyoviona, ni mali yako Mwokozi, Vyote vyako, navitoa sasa Bwana upokee.

56. Mashahidi wa Imani

Faith of Our Fathers [kr 336]

1. Mashahidi wa imani, wangali bado wanena,
Ingawa hatuko nao, yanena imani yao,
Walisimama na Bwana, ingawa walionewa.
2. Walijaribiwa sana, wengine waliuawa,
Walishinda majaribu, walimwona Bwana Mungu,
Wengine walifurahi, Imani iliwaponya.
3. Pande mbili za imani; furaha machozi pia,
Kuna wakati wa shida, wakati wa nyimbo pia,
Kila siku tusimame, tuige imani yao.

57. Ni Lazima Nikuambie Yesu

I must tell Jesus [Kr 337]

1. Ni lazima nikuambie Yesu, kuhusu majaribu yangu,
Dhiki nyingi zimenizingira, lazima nikuambie Yesu.

*Yesu sikia, kilio changu, mashaka yanisonga sana,
Nisaidie nisianguke kwenye mtego wa shetani.*

2. Kila upande kuna adui, wananitaka nyama yangu,
Niliyemdhanja rafiki, amegeuka mwiba wangu.

3. Watesi wangu wanitamani, najaribu kujinasua,
Kwa jina la Yesu wameshindwa, nimezungukwa naye
Bwana.

4. Ulimwengu wazidi kutisha, mahali hapa si salama,
Karibu Yesu unitawale, nivumilie mpaka kwako.

58. Mungu alimtuma, Mwana wake Yesu

God sent His Son [Kr 171]

1. Mungu alimtu-ma, Mwana wake Yesu,
Aje afe, kwa ajili yangu,
Niokole-we, toka dhambi,
Utumwani mwa Shetani niko huru.

*Sasa yu hai, naiona kesho,
Yuko hai, nami naishi, mashaka yote
yameshaondoka,
Kwa kuwa Bwana anilinda niko hai.*

2. Sitakufa, bali nitaishi,
Nisimuli-e, mtendo yako,
Ushuhuda, ninao sasa,
Kwa kuwa Bwana anilinda niko hai.
3. Taa yangu, ikizimika,
Nitamwona Bwana wangu,
Uso wake, na tabasamu,
Kwa kuwa kazi nimekwisha imaliza.

59. Yesu Tunakuinua

Jesus we enthrone You [kr 38]

1. Yesu_tunakwinua, twatangaza u- Mfalme,
Twainua_mikono yetu, wa kwabudiwa ni wewe,
Bwana wastahili sifa, Yesu wastahili wewe,
Wastahili sifa Bwana, sifa ni za kwako milele,
2. Yesu_tunakwinua, twatangaza u Mfalme,
Twasimama mbele zako, twakwinua we ni Bwana,
Katika kiti cha enzi, Wewe Bwana uketiye,
Twaungana na makerubi, twakwabudu ni wewe
Bwana.

60. Njoo Yesu Utawale

Come, Thou Almighty King [kr 10]

1. Njoo Yesu utawale, Tuimbe jina lako,
Tukusifu, Utukufu wako, milele milele,
Twaja mbele zako muda huu.
2. Tuwapo wanyonge, tukwabudu wewe
Tuna nguvu, tupatie nguvu, tukwabudu wewe
Hakuna zaidi yako wewe.
3. Tuombapo kwako, Mungu usikie,
Leo hii, twaja mbele zako, Mungu wa miungu,
Tukwabudu wewe wastahili
4. Jiko lako liwe, kwetu sisi sote,
Tukwabudu, twimbe utukufu, una wewe Bwana,
Njoo na utawale ibada hii.
Ameni

61. Neema ya Mungu imetuleta

God's great grace it is has brough us [Kr 301]

1. Neema ya Mungu imetuleta, kwa njia ya uaminifu,
Kwa pendo Lake Katutafuta, nawezaje ku-elezea?
Mkono wake wa nguvu nyingi, nilalapo ni-amkapo
Anafanya mambo yote, yawe sawa mbele kabisa.

2. Mungu hutuhuisha sisi, tuchokapo njiani mwake,
Neema yake imeshakuwa, ni kama mvua ya baraka,
Ingawa hatujitoshelezi, yeye anatutosheleza,
Tutatembea njiani mwake, tukae naye milele.
3. Kila siku yu karibu nasi, ahadi zake zatimia
Kila mzigo waondolewa, alipobeba dhambi zetu,
Kule nyumba ahadi zake, zangingoja mteule
Nimaliza-po kazi yake, nitaishi kwake milele.

62. Hakuna Jina Jingine

There is no name so sweet [kr 80]

1. Hakuna jina jingine, mbingu na duniani,
Jina alopewa Yesu, kama mwokozi wetu.

*Jina la Yesu ni tamu, nalo linaokoa,
Twalikuza jina lake, milele na milele.*

2. Yesu alipoangikwa, pale msalabani,
Walilindika jina, juu ya msalaba.
3. Kitini pa enzi Yesu, sasa ameshaketi.
Anatawala daima, pia atuombea.
4. O Yesu mwingi wa neema, atupatia sisi
Siku kwa siku twaona, mpaka tufike kwake.

63. Kibarikiwe kijito cha damu

Blessed to the blood [kr 261]

1. Kibarikiwe kijito, cha damu ya mwanakondoo,
Utukufu kwako Yesu, ulisulubiwa nipone,
Pale nilipotangatanga, wewe umenitafuta,
Nitakase kijitoni, nami nitakuwa mweupe.

Niwe mweupe, niwe mweupe

Unitakase kwa damu, nami nitakuwa mweupe

2. Pale ulipoangikwa, mwili wako uliumizwa,
Huzuni uliopata, ili mimi niwe salama,
Waniongoza kijitoni, nisafishwe dhambi zote,
Nitakase kijitoni, nami nitakuwa mweupe.
3. Baba nimekuja kwako, nimerudi kundini mwako,
Nioshe kwa damu yako, maji hayawezi kuosha,
Yesu naja unipokee, nashika ahadi yako, Nitakase
kijitoni, nami nitakuwa mweupe.

64. Usiku na Mchana Nafurahi Daima

I'm rejoicing night and day [Kr 191]

1. Usiku na mchana nafurahi daima, kwa kuwa mkono wake Mungu, Uko upande wangu naishi mbele zake, daima yu pamoja nami,

*Naamini_yuko nami, haleluya ni ndani yake,
Usiku na mchana nafurahi daima, kwa kuwa
yuko pamoja nami.*

2. Moyo wangu ulipolemewa nazo dhambi, nilipoikosa amani,

Nilisikia ya Yesu mtini Kalvari, kwamba yeye kanifilia,

3. Yuko pamoja nami Bwana wangu ni Yesu, aniongoza njia zake, Roho Mtakatifu afariji daima, nafarijika mbele zake.

4. Kiu ya duniani na mambo yake yote, Yesu alimaliza Kalvari, Sirudi nyuma tena, nasonga mbele sasa, taji yangu yaningojea.

65. Wingi wa Neema za Bwana

I know not God's wonderful grace [kr 310]

1. Wingi wa neema za Bwana, zanitosha mimi, Kristo amenikomboa, nisiyestahili.

*Namjua ninayemwamini, ana uwezo
kukamilisha
Kile alichhoanzisha, maishani mwangu!*

2. Imani iokoayo, amenipatia
Amani moyoni mwangu, imepatikana!
3. Nilikuwa kwenye giza, akanipa nuru,
Pendoni mwake napata, furaha daima!
4. Adhabu ihukumuyo, imeondolewa,
Mizigo ya dhambi sasa, naweka kwa Yesu!

66. Natembea Safari

Walking in sunlight all of my journey (Kr 445)

1. Natembea safari nuruni, milima pia mabondeni,
Yesu kamwe hawezi niacha, ahadi zake atimiza

*Nuru ya mbingu, nuru ya mbingu,
Imurikayo kwa utukufu,
Haleluya utukufu kwake, ninaimba sifa za
Yesu*

2. Pande zote amenizunguka, Mwokozi Yesu aniongoza,
Yeye nuru giza haliko, tembea nuruni mwa Bwana.
3. Naelekea ng'ambo ya pili, kwenye makao ya milele,
Natembea kwa nguvu za Yesu, nitafika salama kwake.

Nyimbo kwa Kufuata Alfabeti

Ahadi ya Mungu	26
Alipokuja Moyoni	52
Ananiongoza Bwana	41
Baba yetu uliye Mbinguni	25
Bado Wakati	44
Chini ya Mbawa zake	46
Furaha Inayotiririka	45
Hakuna Jina Jingine	62
Hatuchoki Kamwe	12
Je ni Lazima Yesu Abebe Msalaba	23
Jitahidi Sana Kujikasa	24
Katika Hatua zake	11
Kibarikiwe kijito cha damu	63
Kuna Mwanga Moyoni Mwangu Leo	3
Kuna Neema Izidiyo	16
Kuna Vita ya Rohoni	22
Kwa ushirika, na Mungu wetu	31
Maelfu ya Sauti	50
Maisha yangu, Pendo langu	27
Mambo Matukufu Hayo	43
Mashahidi wa Imani	56
Matatizo Yanapoongezeka	8
Msifuni	32
Mungu alimtuma, Mwana wake Yesu	58
Mwito kwangu na kwako	5
Mwokozi Kwangu Mimi	38
Mwokozi wa Ajabu Yesu Wangu	29
Naishi Pale Maji Yatiririkapo	51
Nani aliye Upande wa Bwana	9
Natembea Safari	66
Naweka Moyo kwa Bwana	47
Neema ya Mungu imetuleta	61
Ni Lazima Nikuambie Yesu	57
Ni Nani Ametenda Haya	30
Ni Nani wa Kunitenga?	42
Ni Wakati wa Kutoa Sadaka	55
Nina Ndoto kwa Mwokozi	6

Ninaye Mwokozi	40
Nitaimba Wimbo wa Kukombolewa	36
Njia ya Mbinguni	18
Njoo Yesu Utawale	60
Pale Amani Inapotindika	34
Panda Asubuhi	2
Pande zote	20
Pendo Lake	33
Roho yangu, Yafurahi	1
Siku Chache tu Zimebakia	21
Siku ya kupumzika	14
Tembea na Yesu	7
Toka Kila Pepo	4
Tumejitoe kwenye kanisa	13
Tumekaza Kuelekea Nchi ya Kaanani	10
Tuna Habari kwa Maitaifa	48
Twaheshimu Mwito wake	39
Umeshindwa katika Mipango yako	17
Uokoe Wanaopotea	28
Usiku na Mchana Nafurahi Daima	64
Weka mizigo kwake Yesu	37
Wingi wa Neema za Bwana	65
Yesu Atuita Mimi na Wewe	35
Yesu Huja na Nguvu	19
Yesu Nifiche Kwako	15
Yesu Nimeahidi Nikutumikie	54
Yesu Ninalia	49
Yesu Tunakuinua	59
Yesu Wanitosheleza	53